

1 KORIN

Mi iya Pol siya om Efesas hir nwowa mi siya ta yokwowa ha winkika iikamim naingwo tibmiiyim om Korin hiranim simiiramim. Biya iya Pol siya om Korin hir niki owin siya Adi Komii siir yai aiirin biewiiyim whirkakin whir mi haimii ha iki boinmimauu. Mi ti omin Korin nikiuwiyin yio Grik iikamim simiir om komii ieya mi Juda iikamim mi Juda iikam tani ikim yim hir nwokim. Mi iikam whiekakim yipiki dimin biye tiriyim yim hir warar mi okim. Mi mhoiia iikamim naingwo tibmiiyim yokwowa ina winkiyim Pol siiram, sima ti hiniina win boiinki, sima miyiknan nwo rani ini yapiyapi nwowim. Mi iya Pol siya hiriinan wakaewinin mi siya ta yokwowa ha winkikin simiir whinkinsiis haiginugun dimin taeminim sima tirim wadie sima nwowim. Iriig.

1 ¹Kara Polkin, kara Krai Jisis siir aposel inkamkin. Kariirin Adi Komii siir kwoinkar naingwo okmwun okwo haiginugun, aposel inkam nwowam. Kara mi kariir nomiiyauwin, Sostanis, krira kimiir boin wadieki. ²Ta yokwowa krira winkika om komii korin warauran iikamim Adi Komii krimiir Wanin siiram naingwo tibmiiyim kimiiram. Mi Kimiirin Jisis Krai siyar diriraerarkikin mi kimiirin dimin whirkin paniinsi kimbusi. Mi wim kima ini Adi Komii siir inkam kiingi kiinar ywowim. Kima, ti iikam whiekakim omom omomim hinda tinda nwowim simiir hiranim Jisis Krai Biyan Inkam Komiiyin siir inig iir hainaniyim mi siya ini krimiir hoimgakni Biyan Inkam Komiiyar ywowirkakin.

³Adi Komii krimiir Wanin siya mi Jisis Krai, sowiir mhi kwoinim iripa nongwomamair aeyamin wadie saeya nwowaiginuwi. Iriig.

Pol siya Adi Komii krimiir Wanin siir boin wadiekikin

⁴Kara inokiiinokin kimiiramim Adi Komii siir boin wadiekii, ta naingwobumbuwa siya hauuwa kimiir sairsi boin wadiekii. Dimusi rani, kima ini Krai Jisis siir iikamkim. ⁵Kima Krai Jisis saika bidi yamasu kikinim mi kima dimin taemin whiekakim simiir kirie komiigak asi nwokim. Mi kima kwoin miyik mi adi siir yaimwokiayimwowa saiiir ninomokninkin boini kwoin miyikak asi nwokim. ⁶Mi ta Krai siir yai win kibiya saeya inan kimiir bidi kwirii idwokaiya. ⁷Mi kima Adi Komii

siir naeyiun siir dimin miyik miyikim simiiram paniinsi whaowaesi. Niingaka. Inkam Komiiyin Jisis Kraisi siya nitana wi sairar nadigiwi. ⁸Mi kimiirin wi siyar whinkinsis haiginiwi mi kima wi kirie hiriir nwoyokiyokiyami mi wi ta io aeya digii mi krimiirin wi dimin whirki kimbu rani. Iya krimiir Biiyan Inkam Komiiyin Jisis Kraisi siya nitana. Niingaki, niingakiinga. ⁹Adi Komii siya yaimwo boinan inkamkin mi kimiirin siyar nimbingin siir yinisimin Jisis Kraisi, krimiir Biiyan Inkam Komiiyin, ini haniin kwirii idwokaiyim mi saika nidwo boinaiyim. Iriig.

Iikamim iripa mhii kwoin nwowiyim simiir yaiga

¹⁰Mi ti kariir nomiiyauwim kara kimiirin, krimiir Biiyan Inkam Komiiyin Jisis Kraisi siir inig iir boinin kwokwokii. Kimakima kipi ninkinwaomwarkii boin mi ti kimiir isidin yapa yapa kipi nwo kimiir kwoinim whirua dwo mi yaiya diriyar kiritmai boinki. ¹¹Ti kariir nomiiyauwim kara, kariir nomiiyauwim Krowi, siir isid ieya boinmauugikin, kimakimarin ini ninkinwaomwarkii boinkaka nwowim. ¹²Kara kimiirin pi hiniina boinmauwakaekii, kima yapa yapa nwonira kimiir nhirim pi hiniina boini, nim nhirim Polnikim mi nim nhirim Apolosnikim mi nim krima Kraisi nikim. ¹³Mi ini paniina tirin, kraisi siya ini tari haime haimeiya yowoin, ha? Mi tari ti paeyin hiiniya nirioninkinin siirin Pol kariir ninkin irimdinu aokikin kimiir whinkinsisi haiginiuwamin, ha? Kima tari Pol kariir inig iir baptaisim, ha?

¹⁴Kara Adi Komii siir boin wadiekii, kara kimiir waraurin Krispas, Gaias sowiirrarar baptaisgikin kara inkam nwir wara bi baptaisgikin. Niingaka. ¹⁵Inkam nwirki kimiirin wi hiniina boin tani, kima kariir inig iir baptaisim. Niingaka. ¹⁶Ae, kara tisi haniingi swoki kwanaingwowoknakiyin, kara Stefanasi simiirniiyin warar ninkin baptais haiginiugikin. Kara ninokninkin tani, kara tari inkam nwir warar bidi yamisi baptaisgikin iye? ¹⁷Kraisi siya kariirin baptaisim bi nikropkikin. Niingaka. Siya kariirin yai win kibiya sair boinmimauuwam nikropkikin. Mi ti hiriinan sairsika kara kimiirin aowa aowan yayim, kima ninokninkin karamae nwowim pi simiir wara kinawhiyimiya boin tani, kamim ninokninkin komiigakim simiir hiriinan. Niingaka. Mi kara hiriina boinkiswo mi ti paeyin Kraisi siir nirioninkinin hiiniya yio wi inigak di yowoi. Iriig.

Adi Komii siir kirieya ini Kraisi siir hir nwowa

¹⁸Kaimwoka, iikamim ha naingwowi, ti paeyin hiiniya nirioninkinin siir yaiya saeya hindara priiboin whaowaei. Mi krima iikamim Adi Komii siya nanmaiwarainam, nim krimiir kwoinim ha naingwowi, ti paeyin hiiniya nirioninkinin, siir yaiya ya Adi Komii siir kirie aeyairga. ¹⁹Adi Komii siir Yokwo Komiiya saeya ha boinka,

iikamim ninokninkinkakim simiir ninokninkina wi kara tirbugii. Mi iikamim kwoinpai kwoinpai miyikakim simiir kwoinim wi kara nirimdiyugii.

²⁰Mi ti iikamim ninokninkikakim mi iikamim kwoinpai kwoinpaigakim iikamim yai kripii nainikiigi ikim mi sima wi inigakar nwowi. Niingaka. Mi Adi Komii siya nu tiran iikamim ninokninkinkakim, simiir ninokninkin imiir bidi tirbugiyim.

²¹Adi Komii siir ninokninkina ti nuan iikamim simiir kwoinairga naingwo haiyim wi dig nwo rani. Niingaka. Adi Komii siya ta boinbu yaiya sima boinmimauuwa saiiram naingwo tibmiiyim, iikamim simiirin wi siya nanmaiwarkainaei. ²²Juda sima yaewan minam kindiyiu wankim, sima yaeya dimin kirie komii win kigi mi sima wa naingwo tibmii. Mi yim Grikim, ninokninkin komii haiyaramar mi ankaii. ²³Mi nim krima paeyin hiiniya nirioninkinin Kraiis siir ninkin irimdinu aokiyin, siir yai aiirar mi boinmimauuwikim. Mi Juda iikamim sima ta yai aiir wakae winim mi simiir kwoinim miyiknan bi nwoikim, ini hindara hugimkikiugiyim. Mi iikamim Juda iikam tani, yim simiir kwoinim ha naingwowi, ta yaiya saeya hindara priiboin whaowaei.

²⁴Nim krima nhirim Juda iikamkim mi nhirim krima Juda iikam tani. Krima Adi komii siir nikiu aiir wakaeyim krima ina ninokninkinim, Kraiis siya Adi Komii siir kirieya mi siir ninokninkina, saiir niisiisimauugin.

²⁵Iikam nhirim sim kwoinim yim ha naingwowi, Adi Komii siir ninokninkina saeya bwam karamaeki niuwi mi yim inkam nhirim sim kwoinim ha aingwowi, Adi Komii siir kirieya saeya opairgi mi iuwi. Mi Adi Komii siir ninokninkina ini ti nuan inkamim ninokninkin komii komiigakim bi nwowim, ini simiir ninokninkin imiir haibura mi Adi Komii siir kirie ini ti nuan iikamim kirie komii komiigakim bi nwowim simiir kirie aiir haibura.

²⁶Ti nomiiyauim kima biya Adi Komii siya nimbina iya kima naingwo tibmiiya mi saiiram ti swoki aingwowoknaki biya kima panin panin inkam nwokim, iya Adi Komii siya kimiir nimbina. Mi nu tiran iikamim ninokninkin komii komiigakim mi kirie komii komiigak nwokim, yim iuarig bi nwokim. Niingaki, niingakiinga. ²⁷Adi Komii siya bidi hidgiyin iikamim nu tiranim ha naingwowim inig karamae nwowim simiir nimbina, iikamim ninokninkinkakim simiir kiyipsibgi haiginiuwam. Mi siya iikam opairim nuan inkam ima naingwowim simiir bidi yimbiyiyim, inkam kiriekakim simiir kiyipsibgi haiginiuwam. ²⁸Adi Komii siya bidi yimbiyiyin inkamim yaeyipyaeyipa ti nuan inkamim sima yasururgaiyim. Mi iripa nomboin ii ae karamae sima nwowim simiirin. Dimusi rani, ti iikamim nuanim ha naingwowyim, sima inig komiigakim simiirin Adi Komii siya bidi ikwowsaiiyim. ²⁹Inkam nwirki hainan karamaeka siir inig iirarin, Adi Komii siir whwonkam

ida. Niingaka. ³⁰Whisarii rani, krīma ini Jisis Kraiis siirgisiirkiina ywowim. Mi Adi Komii siya Jisis siirin minam nimbingin Kraiis siirin siya krimiir ninokninkin haiginiuwim. Mi Adi Komii siya krimiirin wi hiniina nwoki boinim, dimin whirki bi kimbugim mi krimiirin siyar sakii prapras okwokiyim mi krīma ini rirmiiya ywokiyim. ³¹Yokwo Komii saeya hiniina boinka, yio siyū miyik rani, inkamin siir inig iirar hainanaeyin, siya Adi Komii siir inig iirar hainan iski. Iriig.

Pol siya paeyin hiiniya nirioninkinin saiir boinmimauugin

2 ¹Pol siya boin, ti nomiiyauim, iya kara kimiirim nita kara Adi Komii siir yai miyika saiir boinmimauuwim mi kara kimiirin yai kirie kirieyim mi yai aowa aowan ikim, kara simiir bi boinmimauugim. Niingaka. ²Iya kara kimaka nwowa kariir kwoinin hiniingin, kara wi dimin whirim naingwo rani. Niingaka. Kara Jisis Kraiis siiraramar yaingwo iski. Mi dimin komii whirin paeyin hiiniya nirioninkinin siya naowin siirama daingwo iski. ³Iya kara kimiir waraur nita kara kiriekak sim bi nitkin kara nidid kakar nitkin mi kariir pua nopnopa mi kinka. ⁴Mi yaiya kara boina mi yai win kibiya kara mi boinmimauua, kara inkamim ninokninkinkakim kimiir kwoinim simiir hiriinan bi hiir boinikin. Niingaka. Kara Adi Komii siir naeyiun siir kirieya saiirar nitkin kimiir niisiisimauuwamin. ⁵Mi kimiir naingwo tibmiiya inkam ninokninkinkakim simiir hiranki bi haigin. Niingaka. Adi Komii siir kirieya saiir hiranka nitka. Iriig.

Ninokninkina krimiirin Adi Komii siir naeyiu ieyar hauugin

⁶Kaimwoka, sima iikamim naingwo tibmii kirie kiriekakim yaowae adnan nwowim, simiirin wi yai kirie kirie kapi boinmimauuwi. Mi ta ninokninkina ti nuin siir tiran tani mi ti inkam komii komiiyim nu kigriraowiyim simiir tani. Niingaka. Ta simiir kirieya ini kingiina nwowa wa diguguski. ⁷Krīma Adi Komii siir yaiya saiir boinmimauugim. Mi taka nimprio yaiya inkamim nuanim simiirsi nimprioka. Ta yaiya saeya bidi bidiniyar nwoka, iya siya nu iir nonkwokwo karamae nwowa saiirar. Ta ninokninkina kara boinmimauua saeya Adi Komii siya ninokninkina nimprio yaiya mi ta nimprio yaiya iikamim nuanim simiirsi nimprioka. Mi ta yaiya saeya biya nwokwokinka. Siya minam naingwokin, siir siyū miyik miyikim krimiir whwonkam ida diriraeraram mi krīma saikar nwoki ongwomamair aeyim. Mi ti sima kara boinkiyim. ⁸Nuan inkam komii nwirki bi ninokninkinkin ta yaiya saiir bwam iirin. Niingaka. Mi sima ninokninkiswo mi sima ninomor kouan Inkam Komiiyin siirin wi paeyin hiiniya nirioninkin saika dinkin irinugi. Niingaka. ⁹Mi ti digworaekwo whiekakim simaigim Adi Komii siya kiyau haigin kwokini iikamim siiram naingwokiinim simiiram. Mi Yokwo Komii saeya hiniina boinkika,

tiki dimin taeminim yim iikami nhwoki kig karamae nwowim mi simiir wiingi wakae karamae nwowim mi iikamkim sim naingwowim yim wi nwo rani.

¹⁰Adi Komii siir naeyiun siyar niisiisimaugim ti siir nimprio yayim krimiirin. Adi Komii siir naeyiun siya siyar ninokninkini diminpai diminpaiyim mi Adi Komii siir kwoinin, iriipi hiriinan, sasar mi inokninkini. ¹¹Yipiki inkamkin, inkam nwirni kwoinin siir ninokninkinin. Ti inkamin siir kwoinin naeyiun sasar ninokninkin iskii. Mi iriipi hiriinan Adi Komii siir kwoinin inkam nwirki ninoknikin karamaeka. Siir naeyiun sasar ninokninkini. ¹²Mi krima ti kwoin hiriinanin nuan inkamki bi hauugin. Niingaka. Krimiirin kwoin miyikin Adi Komii siir naeyiun siyar hauugin. Mi krima wa ninokninkini, digworaekwo whiekakim Adi Komii siya krimiirin hindara priihauugin.

¹³Ti diminin krima siirin kimiir boinmauu wakaekin. Ta yaiya krima inkamin ninokninkinkakin siir hiranki bi haiga. Niingaka. Ta yaiya krima boinmimauua Adi Komii siir naeyiun siyar niisiimaugim. Mi krima kamim Adi Komii siir naeyiugakim simiir hiriinan asi boimimauwi mi sima asi sibgu wakaeyoknaei. ¹⁴Inkamin Adi Komii siir naeyiu karamae nwowin mi siya wi Adi Komii siir dimin miyik swoki inokninkin tani. Niingaka. Dimusi rani, siya hiniina naingwokin siya hindara priinaingwo whaowaei boini. Mi siya wi ti diminin siir dimin mwo iir ninokninkin tani. Dimusi rani, Adi Komii siir naeyiun siirar diminkin. ¹⁵Inkamin Adi Komii siir naeyiugakin, siyairgin digworaekwo whiekakim simiir hidiyin mi siirin, inkam nwirki hidim wi dig nwo rani. Niingaki, niingakiinga. ¹⁶Biiya Adi Komii siir inkam nwirin siya Yokwo Komii aiirin hiniina win boinkikin,

ih, yipikin Biiyan Inkam Komiiyin siir kwoin whiekak imiir ninokninkinin. Mi wi nhinga ninokininkini Biiyan Inkam Komii siir kwoin iirin mi wi nhinga niisiisimauwi siirin, ha? Niingaki, niingakiinga. Siya hiniina win boinkikin. Dimusi rani, Adi Komii siir naeyiun siyar nowomwarkaiyiwi krimiirin mi krima Krai siir kwoinin siir hiriinan asi nwowi. friig.

Adi Komii siir miyan inkamkin

3 ¹Ti nomiiyauim, biiya kara boinmauwim yayim mi kara kimiirin kamim Adi Komii siir naeyiugakim simiir boinmauwa sair hiriinan bi boinmimauugin. Niingaka. Yayim kara boinmimauuwiyim kara iikamim Adi Komii siir naeyiu karamae nwowim, simiir hir boinmimauugin. Dimusi rani, kimiir naingwo tibmiya ini yinisim praigaknan ywowim Krai siir siyu iirin. ²Ta yaiya kara kimiir boinmimauwa ini mwianan ywowim, kara kimiirin mwianan hauu aekin. Kariir yaiya saeya ini nae kirie kirieyim inkam adiyaowaeki

naeyim, simiir hiriinan bi hauu aekin. Niingaka. Kima wi Adi Komii siir yai kirieya saiir wakae rani. Dimusi rani, kimiir kwoinim ini yinisim praigaknan ywowim mi tariinanin iriipi hiriinan, kima dig bi mi okim. ³Dimusi rani, kimiir siyuum kima napdiraerariyim ini iikamim nu tiranim simiir hiriinan ywowim. Ihi, kima kimiir nomiiyauim simaka whwokwoka bi nwowikim mi ninkinwamwarkii boini siyuin ini kimiir waraurar mi inkin owin. Ti siyuin kima tirin ini kamim Adi Komii siir ninokninkin karam nwowim, ini simiir hiriinan ywowim mi kima simiir siyuin siir asi napkim. ⁴Nhirim pi hiniina mi boini, krima Pol siirgin. Mi nhirim pi hiniina mi boini, nim Apolosnikim. Ti hiriinan siyuum kima tiriiyim yim ini iikamim nuanim sima tiriiyim ini simiir hiriinan ywowim.

⁵Kima sibgu daingwo, Apolosin yio yipikin? Mi Pol kara yipikin? Krira miian inkam kinairgwo Biiyan Inkam Komiiyin siya kririirin yapiyapa mii hauugin. Mi ta kririir miia kima Kraiis siiramin ini saiirar yangwo tibmiikiyim. ⁶Kara bii minam nitkin, Adi Komii krimiir Wanin siir yai kibiya saiir boinmauwam, inkamin sasaeya ninkiniyin siir hiriinan. Mi Apolosin mhoiia ha swoki itin yio ini hiriinan yai kibi aiirar swokini owomwarkaiyiuniyin, inkamin ko nakiyin numir, siir hiriinan. Kimiirin kwoin miyikin Adi Komii siyar hauugin numiran sasaeyam sibgu mwrii namiyim simiir hiriinan. ⁷Mi inkamin sasaeya ninkiniyin, yio inig karamaekin mi ko numir nakiyin, yio iriipi hiriinan, inig karamaekin. Sasae imiirin Adi Komii krimiir Wanin siyar diriraerarki mi sima pa nimbiyami mi inigakin pi Adi Komii siyar nwowi. ⁸Mi inkamin sasaeya ninkiniyin mi inkamin numira saiir ko nakiyin sowa hiriinan mii kwiruwa saiirar miriigo mi sowiirin digworaekwo mhoiia wi Adi Komii siyar hauuwi miia sowa miriia saiir digar. ⁹Krira iripa Adi Komii siir mii kwiruwa saiirar miriigo. Mi kima ini Adi Komii siir numira siya niyokninkinan ywowim.

¹⁰Adi Komii siir naingwobumbuwa saeyar tirkikin kara biiyan inkamin omaka miriyyin siir hiriinan asi nwokin. Kara iyyin paeyin bidi inansiin okwokiyyin mi kara kimiiram asi nitkin, Adi Komii siir yai aiir boinmimauwam. Mi kariirin Adi Komi siyar hauugin ninokninkin miyika mi mhoiia iikam nhirim ha nitim sima ini mirii ninkinokougik ta omaka. Mi kima yapayapa nwonira omaka sibgu haigi syin miriirarao. ¹¹Kima ina ninokninkinim, yinpaeki yinpaeyin bidi yokwokiyyin, siya Kraiis Jisis siyairgin. Mi wi inkam nwirki yinpaewir swoki inansiin okwo rani. ¹²Inkamin Adi Komii siir mii aiir miriyyin siya ini inkamin omaka miriyyin siir hiriinan ywowin. Mi nhirim yim mii wadie wadieyim simiirar mi miriyyim mi simiir miyim ini gol, silva siiyam yipiki hiriyyar nwoyokiyokigiyamiyim ini simiir hiriinan ywowim. Mi ta omaka wi hiriyyar nwoki okwoyokiyokwiyyim mi nhirim

yim mii miiyik bi miriigim, simiir miiyim ini kii auwim ii priei nwo karamae nwowiyim, ini simiir hiriinan ywowim. Mi taka omaka saeya wi nokwo bripri rani. Niingaka. ¹³Mi mhoiyya iikam whiekakim simiir miiyim wi idowiyi nimbiyami ya ta iyya Adi Komii siya hidana yaimin diminim simiir ya saeya. Mi taka ii aiirin Adi Komii siya hidana paeya wa nimbiyami mi miiya gol, silva mi siya miiyik miiyiknan nwowa mi paeya wi saiir wara ninkin iunam tani. Niingaka. Mi Miiya biyie nwowa ya wi kii aunan niugi nhiskii. Mi siya wa nwoki naingwowim simiir miiya wadieki piyamsi owa, iyie, miiyik rani, aniya? ¹⁴Mi inkamin Adi Komii siir mii miiyik miiyikim simiir mirii, simiirin wi ti inkamin iyyin paeyin haininansiin okwowin siir idwo nami haigi siyin miriyyin, wi siir hiriinan nwowi. Mi paeya saiir wara ninkin iu karamae nwowi mi Adi Komii siya dimin miiyik miiyikim wi ta mii aiirsi hauwi. ¹⁵Mi paeya ti mii imiir niu iuguskii mi siya wi dimin miiyik miiyikim simiir hai rani. Niingaka. Mi siirar kwoinbudin yio wi wara ninkin dig rani. Niingaka. Siirin wi Adi Komii siya hainaowidi. Mi siya wi diminkak nwo rani. Niingaka. Siya wi niinga niinga priiywo kaeyami.

¹⁶Mi tari kima bi ninokninkinkim, aniya? Kima ini Adi Komii siir omaka komiyya ini saiir hiriinan ywowim mi Adi Komii siir naeyiun ini kimiirar yaninkiniuniyin. ¹⁷Mi inkam nwirki Adi Komii siir omaka dimin whirki kimbu karam nwowa saiir nininkigii mi Adi Komii siya ti inkam iirin wi yamdiyar swoki onkwo ninwimwiirnkini. Dimusi rani, Adi Komii siir omaka ya krimaigim.

¹⁸Kira ti dimin hiriinanin kinakina kipi swoki iksisaena. Mi inkam nwirki kimiir bopwoniya waraurin, siya nuan diminim simiir siyiu imiir napi mi siya hiniina naingwowi, kara ninokninkin komiikakin mi ti inkam hiriinanin siir mhii kwoinim kisina haigii mi siya, siya siyamar naingwona karamae nwowi mi nuan iikamim sima wi hiniina boini, wara inkamin siir kwoinin bidi yinkisaioawaenakiyamin. Mi Adi Komii siya ti hiriinan inkamin, siirin wi hiniina boini, siya ninokninkin miiyikakin. ¹⁹Ninokninkina iikamim ti nuanim simiir siir tirana ya Adi Komii siir whwonkam ida ya bidi yinkisaioawaenakiyama. Yokwo Komii saiir yai kwira hiniina boinka mi ti hiriinan iikamim sima ha naingwowi krima ninokninkin komiigakim. Mi ti hiriinan mwrakboini siyiuin sima tiriyin yio ini wraisuim haimna anki krima haiiyim ini hiriinan ywowim. Mi Adi Komi siya krimiirin wi hiriinan nitkin tiimdiinu haii, iyya krimiir mhii kwoinim hiriinan biyie nwowi. ²⁰Mi Yokwo Komii saiir yai kwira hiniina boinka, Biyyan Inkam Komii siya ina ninokninkin mi inkamin siir kwoinin ha naingwowi kara ninokninkinkakin mi ta siir ninokninkina ya ini niingakiniingar ywowa. ²¹Mi diminim inkamki diriraerar nonkwokwowim krima simiir biyyan inkamim simiir inig imiir kipi hainan. Niingaka. Dimusi rani, digworaekwo whiekakim Adi

Komii siya nonkwokwowim yim kimiiram nimbingim, kimiir whinkinsiis haiginiuwam mi yim ti digworaekwowim yim kimiirairginim. ²²Pol kara mi Apolos mi Pita, krima tir minam nwokim kimiir whindiriraeraram. Adi Komii siyar nimbanga iya kwoinbudin omwai waiyaiyin mi iya naonaman aka. Mi digworaekwo whiekakim tariinan mi mhohiya nimbiyamamim siyar nimbinkim, ti digworaekwo whiekakim yim kimiirginim. ²³Mi wim kima Kraisiirginim mi Kraisiya yio Adi Komii siirginim. Iriig.

Biiyan Inkam Komiiyin siir miian inkamim yim wi siyar hidi

4 ¹Kima krimiir dinokninkin, krima Kraisiir siir miian inkamkim, siya krimiirin minam nimbinkin Adi Komii krimiir Wanin siir aowa aowan nimprio yai kibiyim simiir kigriraowim iikamim simiir boinmimauuwim. ²Siyu whirin miian kamim simiirin hiniingim, siya siir mi imiir sibgu wakaeyokna mirii mi siir miyim siya wadie sibgu mirii, siir biiyan inkamin siir whwonkam idan. ³Mi kima kariir boinwokiopnatkaigii inkam komii komiitim yai hidiyim simaka, kariir yai imiir, ya ta ii hiriinana ya yaimin karamaeka. An kara iriipi hiriinan nu tiranar inkamkin, kara pindan tani. Niingaka. An kara om whiran inkam tani mi kara wi kakanar swoki hid rani. Niingaka. ⁴Kariir kwoinin ha naingwowi siya ini rirmiigi rirmiia nwowin dimin whirkin swoki kinyiskai rani, kariir kwoin iir nipiyaokiiyamim Biiyan Inkam Komiiyin sasar ninokninkini. ⁵Iya ina niki owa mi kima inkam nwirni siyiuim saiiar kipi niki hid kima Biiyan Inkam Komiiyin siirimar tiki okwokin. Mi siya digworaekwo whiekakim mi kwoinim aowa aowa nwowim mi niibwomambwo nwokiyamim, sima wi idowiiyar nimbini iuguskii wi kimiminki rani. Mi taka ii aiiirin, wi Adi Komii siya boinmimauugi irira nwonira simiir mi imiirin wadieki piyasi owa, iyie? Mi tari miyik rani.

⁶Kima ti nomiiyaum, ti yayim kara boinmimauuwim, Apolos siya mi kara kririirar yaigim, kimiir whinkisiis haiginiuwam, diminim krima diriraeraram mi krima niisiimauuim simiir. Mi kima wa nwoki inokninkinim. Saeya hiniinga, kima digumii Adi Komii siir yaiya saiiar kipi haimriiyugim mi kira kipi nantamyiyiyir mi digumii nwirni kipi haimriiyu mi nwiruani aram kipi naingwo. Niingaka. ⁷Yipiki kiriir nokmwun okwohaiginiuin inkam komii, iki iikam nhirim simiir kou mwowam? Niingaka. Adi Komii siya hauugim wara digworaekwo whiekakim kima nonkwowim mi kima hiniin dimusi boinkim, dimin miyik miyikim kimiir kiriekar diriraerari.

⁸Krimiir kwoinim ha naingwokim kima Adi Komii siir digworaekwo whiekakim simiir bidi haiyim mi kima digworaekwo whiekakim bi hainguguwukim, aniya? Kirmiir kwoinim ha naingwowi kima ini

digworaekwoki yaokingugunankaiyim, aniya? Kara hiriyar naingwowi, kima nu kigriraowan inkam komii nwowi mi nim krima wi iriipi hiriinan nu kigriraowan inkam komiiyar mi owi. ⁹Krimiirin Adi Komii siya nokmwın okwo haiginiugim aposel inkam paeprikab nwowim. Krima ini simiir boin hiuriyu inkamnan ywowim mi krima wa nwoki aonamim, ha naonamiyin inkamin yaigak nwowiyin mi iikamim nu tiranim simiir whwonkam ida mi ninomor kouan paekwosim ikim, ini simiir hiriinan ywowim. Mi simiir nhwoin ini kririirar habitkinkiyim. ¹⁰Krima Kraisiir yai aiirin ina boinmimauuim. Mi simiir kwoinim ha naingwowi, simiir mwoim sima ninkisaowaenakiyami. Mi wim kima ha naingwowi Kraisiir siyupai siyupaiyim simiir bidi yinokninkin digim mi nim krima niingaka, ha? Mi wim kima ha naingwowi, kiriekak krimar ywo iski. Mi nim krima niingaka, ha? Mi wim kima ha naingwowi kirie komiigak kimar ywo mi nim krima niingaka, ha? ¹¹Mi biya iriipi hiriinan mi tisi tariinanar nadigniyin mi nim krima mhii prasae bi naokim mi krimiir kwoinim ha mi simsinkai op minam mi mwınis minim ha mi haingugu. Mi sima, simiir iinaim pa mi unomoknaei krimiir priitio priitiowam mi krima maeyau kwirua nwowipisuam whaowaei. ¹²Krima piu minki piyaowi mi miyim krimiir iingair kipi swoki onkwo mirii umirsisim haiyam mi naemin sainan. Mi iya sima krimiir nigbumbuwiyim mi nim krima niingaka, simiirin pi yai miyik miyik arar swoki boini. Iya sima krimiir tirbuwiyim mi nim krima simiirin pi hindara kigninkin diriraerari. ¹³Mi iya sima yai biye krimiir boiniyim mi nim krima simiirin pi yai hiinsima boini. Krima ini nuan kiigwo paekwowim simiir hiriinan ywowim mi krima ini mhakwoyinan ywowim. Simiir kwoinim ha naingwokim krimiirin, krima biya hiriinanar nwokim mi tariinanin iriipi hiriinan.

¹⁴Kara ta yaiya kimiir kiyopsibgi haiginiuam bi winkika. Niingaka. Kima ini kariir yinisisimnan ywowim mi kariir kwoinin ini kimiiramar naingwo irkakim mi ta yokwowa kara winkiya kara kimiirsi kauididgikin. ¹⁵Iikam whiekakim sima wa niti Jisis Kraisiir yai aiir boinmimauuwim mi yim tiriiginim yim kimiir ad tipmwo rani. Niingaka. Kima hirii hirii ad karamaeka, kakanairgin kimiir adin. Whisarii rani, kimiir tiriirin biiki biyin kara nitkin, Jisis Kraisiir yai win kibiya sairim kara nini boinmimauunikin kimiirin mi kima ha wakaeyim mi ina yitim ta mii aiiramın. ¹⁶Ta kara boinanaeiya kimiir, kara dimusi bi boinkin, kara minsi boinkin, kima kariir siyu iir kigna apim. ¹⁷Kara Timoti siirin hiriinansi nikropkikin kimiir waraurin. Siya ini kariir yinisisimnan ywowim mi kara siiramar naingwokwonanaeikin. Siir naingwo tibmiya, Jisis Kraisiiram naingwo tibmiya, ini kiriekikirie ywowa mi siya Jisis siir siyu imiirar sibgu apikin. Mi siya wi Jisis Kraisiir yai imiirar swoki boinmimauuwi kimiirin, kimiir kwoin imiir swoki boinworwokai

haiginiuam, siyiuin Krai Jisis siirin kara napiyin siir. Mi siyiuin kara nowomwarkaiyuwiyim Adi Komii siir iikam imiir. Mi maeyau maeyauim kara ta hiriinan yai kwirua saiar saira boinmimauu nanaeikim Adi Komii siir iikam imiirin.

¹⁸Kimiir nhirim sima bidi yantamyiriyirim. Dimusi rani, sima ha naingwowi kara wi swoki it rani, yim sima kimiir kwoin imiir haipridkikaiyim tiri. Mi kima wi kariir yai aiir wakaeyokna rani. ¹⁹Niingaka, mi Biyan Inkam Komiiyin siya kariirim naingwowi mi kara kimiiramin wa nitsauwi mi kara kamim nantamyiriyiyim wi simiir yai imiir wakae rani. Niingaka. Kara minam niti Adi Komii siir miya kima miriia sair nini apririr kignakiyim kima Adi Komii siir kirie aiirar nasi mirii, iyie? Kimiir kirie aiirar nasi mirii? ²⁰Adi Komii siya siir iikamim mi simiir digworaekwo ikim simiir kigriraowikin ta yaiya saeya yai whoimoni rani. Niingaka. Saeya kirie komiigaka. ²¹Kimiir kwoinin ha naingwowi kara kimiiramin idgiu tioni siyiuin siirim nitim, iyie? Mi kwoin hiinsima nwowiyin siirim pi yit, iyie? Mi kimiirim naingwokwonanaeyin siirim pi yit, aniya? Kima kariir yai aiirar bidi wakaeyokna diriraerarim. Mi kima digworaekwo whiekakim kima tirim simiir ti swoki aingwoki. Mi digworaekwowim biyie nwowim yim kimar sibgu diriraerarkwokin mi kara kimiiramin, wi maigimaigani siyiuin siiramar niti. Iriig.

**Hii niwit nanaeni siyiuin ini Adi Komii siir iikam nhirim om
Korin hiranim naingwo tibmiiyim ini simiir hir nwowin**

5 ¹Yaiya bidi haigiririrkiya, hii nanaeni siyiuin ini kimiir waraur nwowin. Tiki siyiu hiriinanin yio ini kipiiki kipiii ywowin tiki siyiuin yio ini inkamin siir adni wig hainikii nonkwonaein ini siir hiriinan ywowin. Mi iikamim hiranim Adi Komii siiram naingwo tibmii karamae nwowiyim, yim sima ti hiriinan siyiuin siir bi swoki tirikim. Niingaka. ²Kima bidiya iki inokninkinim kimiir inkam nwirin ti hiriinan siyiu biyie siir tirin mi kima nantamyiriyirkak dimusi swoki owi, ha? Kima ti hiriinan siyiuin siirsiyin naingwoyiyiyok ididgak dwo. Mi haniinginiwu, kima siirin ti hainiknatki, yio kimaka kipi nwo. ³Kaimwoka, kara kimaka kingiin bi nwokin mi kariir kwoinin siya kimaka waraur bidi ywowin mi kara bidiyar mi hidgiyin siir siyiuim siya tiriyim simiirin. ⁴Kara hiriinan bidi boinkiyin, Biyan Inkam Komiiyin Jisis siir inig iirin kima iripa haingiriyu boina. Mi kariir kwoin ieya mi krimiir Biyan Inkam Komiiyin Jisis siir kirieya wi kimaka ninkin owi. ⁵Mi kima ti iikamim naingwo tibmiiyim, ti hiriinan inkam biyie nwirin kimaka nwowin siir hainiknatki Setan siirim mi siirin wi Setan siya nwoki onkwobumbuninkinim. Mi siir kwoinbudin wi Adi Komii siya nwoki anmaiwarkainaowidim. Mi iya Biyan Inkam Komii siya swoki itana siya wi wadieyar nwoki owim.

⁶Yio ti siyiu hiniinin yio miyik rani, kima hiniina boini, krimiir iikamim wadieyairgim. Mi kima kimiir dimin biyeyim ini hiriayar kignisu okripkaiyim. Kima ta diminsima ninom nikiuwiya sair daingwoki. Saeya pi omaka min ku mi inkamin omakainin, pi kiyinsa diriraerar karam ywo mi ta omaka pi saeyar kurimtioki iuguskii. Mi hiriinanki niuwi, kimiir waraurin dimin biyie inkam nwiruwakar diriraerari mi kima siirin hiriayar kignisu diriraerari. Mi mhoiia wim kima wi ti hiriinan siyiu iirar mi tiri. ⁷Mi kima kimiir siyiu biyeyin ditkigi, ta diminsima ninom nikiuwiya sair hiriinan mi kimiir kwoinim rirmiia nwoki okiyim. Dimusi rani, Krais siya ini kimiir wou nikwo aeni ii komiinan ywowin. Mi siya ini nimwo op hainaowiyin inkamin, krimiir dimin biyie biyeyim simiir haiyoprindiyumiigiyam mi ini siir hiriinan ywowin. Mi iia paeyin hiiniya nirioninkin Krais siir ninkin isom irinugiyin, siya ini sibsibin biia Judakim sim nisom nanag hauwin ini siir hiniin ywowin, krimiir dimin biyeyim simiir haiyoprindiyumiigiyam. Mi Krais siya ini krimiir sibsibnan ywowin. ⁸Mi nim krma iripi hiriinan dimin biyeyim, simiirin digiumii timi haimriiyugig mi ha timi haiyoprindiyumiigi swoki. Ya ini Judaki sima tirin bretin yis karamaeyin ini siir hiriinan ywowin ta ii komiia wou nikwo aeya, sairin, ta iia bretin yis karamaeyin siir naeya ya simiir dimin biyie biyeyim simiir haiyoprindiyumiigiyim sair niisimauuga. Mi krma hiriinan tiri, dimin biyeyim biia krma tirkaiyuwim digiumii simiir haimriiyugig mi krma wi iikam wadieyar nwowi. Mi krimiir yayim iripi hiriinan wi wadieyar mi owi.

⁹Mi yokwo kwira kara winkiya kimiiram, kara hiniina win boinkikin, kima iikamim hii niwitnanaeyim simaka kipi napririr. ¹⁰Kara iikamim naingwo tibmii karam nwowim sima tiriyim hiriinan siyium, hii min niwitnanaeyim mi inkamam kigmairi ikim mi inkam nhirmi digworaekwo min tauae haii ikim mi inkamim uruwai siyaowaini siyiu napi ikim, kara simiir bi boinkin. Niingaka. Kima ti hiriinan iikamim simiirin digiumii haimriiyugigam naingwowi mi kima ti nu iirar ti haiburgik iski. ¹¹Ta yokwowa kara winkiya sair yaimwokiayimwowa saeya hiniinga. Mi inkamin naingwo tibmiiyiin siya hii min nanaei mi siya inkam nwirni dimin nam kigmairi mi uruwai siyaowaini siyiuin siir mi api mi inkam nwirni mi igbumbuwi mi op biyie mi kwiyaei mi inkam nwirni dimin min mi tauae hai mi yio ti hiriinan inkamin, kima saika kipi nombopboin mi nae saika kipi mi ae. Niingaka.

¹²Kimiir kwoinim ha naingwowi ta mii hiriinana inkamin naingwo tibmii Karam nwowiyin siirin kara hidim, aniya? Niingaka. Mi krma inkamim naingwo tibmii kiinim simiirara hidiski. ¹³Iikamim naingwo tibmii karamaeyim simiir siyium wi Adi Komii siyar hidi. Adi Komii siir yaiya biia sima winkiya saeya hiniina win boinkika mi ti hiriinan inkam biyeyim kima waraur nwowim simiirin hainimiknatatki. Iriig.

**Iikamim naingwo tibmiiyim sima simiir
nomiiyau imiir kipi boiniuriyiu boin**

6 ¹ Mi kimiir inkam nwrki siya maairgimaairga siir nomiiyau nwrni nwo karamae nwowi, yio wi yaigak nwowi. Mi kima siirin hiriinan dimusi kigninkin tirkim siir nomiiyau iir boinwokiyopnatkaigiyamin, iki gavman iikamim yipiki Adi Komii siir siyiu iir nap karamae nwowiyim simiir iin nonkwokiyamin, ha? Kima hiriinan Kipi tir! Siya Kimiiram dam, iikamim yipiki Adi Komii siir yai aiirgiaair wakaeyokna apiyim kimiiram mi sowiir yayim kimar wakae mi sowiirin kimar hidhaiginiu mi sowa wi iripa nwoki ongwomamair aeyim. ² Kima ti dimin imiir daingwoki, mi nim krma iikamim Adi Komii siirim, mhoyiya krma wi nuan iikamim simiir hidi. Mi kima iikamim yipiki ti nu iir nwowiyim simiir hidi mi kima ti dimin sim hiriinanin kima, swoki hidnaei siirin wi paniina sibgu ninokninkini, ha? ³ Kima ti siir daingwoki. Mhoyiya krma wi paekwosim imiir hidi mi tariinanin nu tirin kima hiniina daingwo, kima wi digar nwowi. Ti dimin hiriinanin ti kima kimar tirin kimiir waraurar siir hidim. ⁴ Mi hiriinanki nuwi inkamin siir nomiiyauin saika nongwomamair ae karam nwowi mi kima siirin wi dimuam kigninkinkii, iki iikamim kima ninokninkinim, iikam biyie nwowim yipiki Adi Komii siir piugana sair karamaeyim, simiir hiriirin, ha? ⁵ Ta yokwowa kara winkiya, kara igao yai win boinkikin mi iikam kimiiram in ha win hauugikin mi kima wa nwoki ididim. Dimusika? Mi tari kimiir waraurin inkam nwrmin nwrmin ki ninokninkin karamaeka ti inkam nwisio naingwo tibmiiyo sowiir hik aiir wokmai haiginiuwamin, aniya? ⁶ An kara ha naingwowi, Niingaka. Mi ti hiriinanin siir tiriyim kimiir iikam nhirim yimbi io kwoin naingwowi Mi simiir nomiiyauim yipiki Adi Komii siir yai aiir napiyim simiirin pi simar swokin kiyainaki. Mi sima pa nami mi simiirin pi iki iikamim yipiki Adi Komii siir siyiu iir nap karamae nwowiyim simiiram nikiunami, simiir whwonkam ida nini okwo boinmimauuwam simiir boinwokiyopnatkaigiyam. Mi simiirin pi sima nwoki whinkinsiis haiginiuwim iripa sima nongwomamair aeyam. ⁷ Mi ti diminin kimiirin wi siya niyopakaiyiwi. Mi wara iripa kima nongwomamair aeya wi saeya tirbugi mi kima mi kimiir nomiiyau ima, wim wi yaigak kima kimar swoki inwo anwonaei. Mi kiriir nomiiyauin siya kiriir tirbuwi, kira siirin yai komiiyam kipi nam mi hindara daingwo ouwouu iuguski mi iinokiiinokin kiriir nomiiyauin siya kinakar nwowi. ⁸ Mi ti siyiu hiriinanin kima tirin kimiir nomiiyau imiir, yio siyiu biyieki biyie kiingin.

⁹ Ti simiir ti aingwoki, iikamim yipiki dimin bibiyie tirim, yim wi omin Adi Komii siya kigirkakiyin digworaekwo whiekakim simiir, sima wi siir wara nam tani. Mi kima ti hiriinan iikam biyeyim, yipiki wi

Adi Komii siiram nam karam nwowi saika nwowam, kima simiirsi wi naingwoyimyok rani, aniya? Yio wi miyik nwo rani, ti hiriinan diminim kima, kima kimar swoki iksisaenaiei. Mi iikamim yipiki iikam nhirmaka priinanaeyim hii mi naeyiu biyiem inig hainaniyim mi iikamim yipiki nonkwonam hii sima sima swoki priinanaeyim mi kamim iripa piu kam nhirmaka nwowiyim mi siyiu biyie ha tiriyim, yim wi ti omin Adi Komii siya kigirkakiyin digworaekwo whiekakim simiir, wi siir wara nwo rani. Niingaka. ¹⁰ Mi iikamim yipiki hii tauaeiyim mi digworaekwowam kigmairiyim mi op biyieya kwiyaie whaowaeya sae kwiyaeyim mi ha kwiyaie whaowaenamiyim mi tiriiginim yipiki yai bibiyie boiniyim mi iikam nhirmi hinda whisariya priiboiniyim mi iikam nhirmi digworaekwo priihai priihaiyim mi ti hiriinan iikamim yim wi omin Adi Komii siya kigirkakiyin digworaekwo whiekakim sim, wi siir hiriir wara nam tani hir nwowamin. Niingaka. ¹¹ Mi kimiir iikam nhirim biya sima ti hiriinan siyiu iirar bidi iki tirim mi ti dimin biyie hiriinanim kimiir kwoinaw nwoyaiyim, yim Adi Komii siir naeyiu ieya bidi yinakiyim mi kimiirin siya bidi yimbiniim siir iikam nwowam. Mi siya boinki, kima whauriyinan mi wadie bidi ywokiylim. Dimusi rani, kima Biyan Inkam Komiiyin Jisis Krai siir yai aiiram naingwo tibmii kiingim mi saiir wakaeyokna apkim. Mi kima ini siirar ywowim. Iriig.

Mi kima siyiu wadie tiri, kiriir piu aiirin, iikamim sima wi Adi Komii siir inig iir hainanprapraskii. Dimusi rani, ta sairsika

¹² Mi wim kima hiniina boinikim, digworaekwo whiekakim Adi Komii siya nikopaisisir karamae nwowim krma simiir tiri wadie nwowam wi digar nwowi. Mi kara pi hiniina boini, ti digworaekwo hiriinanim simiir nhirim, krimiirin wi sima whindiraerar tani wadie krma nwowamin. Mi kima ha boini, ti diminim yim wadieyairgim, krma simiirin ha tir mi kara ti simiirin kimiirin pi hiniina boinkii, kara wi ti digworaekwo nhirim simiir tir tani. Dimusi rani, kara simiiram naingwo rani, kariir kwoin iir kiyaiyam mi kara simiiram pa nwoki aingwokwonanaeyim. Niingaka. ¹³ Mi wim kima hiniina boinkim, naeyim Adi Komii siya tirim krma wi simiir naei. Krimiirin mhii Adi Komii siya hauugin ti nae ima nwoyaiyam mi kima ti naeyim mi mhii ikim simiiram hiniin kipi naingwo, kouin ini sima ywowin yim ti dimin hiniinim yim dimin komii rani mhoiyya wi Adi Komii siyar swoki hauukiyyiwi yaeya mhii mi yaeya nae. Mi krimiir naeyim mi krimiir piu ikim, yim wi siya digi krimiir piuim yim Adi Komii siya tirkikim. Mi krma mi iki nhir ikim, krma dimin biyie irni nwrni kipi tir krma Biyan Inkam Komii siir digworaekwo imiirarar tir mi siir inig iirarar hainan, digworaekwowim krimiir piu ima tiriyim mi siya wi hiriinan saiirsi kigirkaki krimiir piu aiirin. ¹⁴ Biyan Inkam Komiiyin Jisis siya

bidiyar iki aonamin mi siirin Adi Komii siyar swoki hidninsiin idwoki. Mi mhooiya krīma naonami mi krimiir piū imiirin wi Adi Komii siyar swoki hidninsiin idwowi, siir kirie komii aeyar.

¹⁵Krīma ini Kraisi siir piua ini sair iga iin mi piū haimii haimiinan ywowim. Kima ta sair daingwoki mi kima hiriyyar naingwowi, tiriiginin yio wadiekin, krīma, krimiir piūim Kraisi siir piua hiranki ti hai mi wiga hii nanaeiya sair piū anaka ti inkin itapiyoki, aniya? Niingaka. ¹⁶Ta sair daingwoki, inkamin yipiki siir piua wiga hii nanaeiya saika nitapiyoki, yo sowa ini piū kwiruar ywowiskiyo. Adi Komii siya Yokwo Komii sairin hiniin boinkikin, inkamin wig iraka iripa piū nwowi, yo sowa ini piū kwiruar ywowiskiyo. ¹⁷Mi iikamim yipiki Biiyan Inkam Komii siir yai imiir wakaeyokna apim, yim ini saika iripa kwoin whiruar ywowiskiyo.

¹⁸Siyiūin hii nanaeyin siirsi dapiyok. Mi ti iikamim, siyiūin hii nanaeyin siir siira tiriyoim yim simiir piū imiirar kiyopsibgi haiginiūwi. Mi iki dimin biyie nhirim iikam ima tiriyoim yi simiir piū aiir bi tirbuwikin ti siir hiriinan. Niingaka. ¹⁹Kimiir piūim yim ini wadieki wadie ywowim yim ini Adi Komii siir naeyiūin siir omaka kirienan ywowa. Mi kima ta sair bi ninokninkinkim? Siir naeyiūin yipiki kimiir hauugikin ini haniin kimiir kwirii idwokaiyam. Kimiir piua ya kimiirgi kimiir piū rani. Niingaka. ²⁰Yim Adi Komii siir piugim. Dimusi rani, biiya Adi Komii siya siir yinisim iirar nikropkikin mi siya ina yaowin paeyin hiiniya nironinkinin si, krimiir namaiwarkainam. Mi krīma Adi Komi siir inig iir hainanki diminim krīma tirim simiirsi. Dimusi rani, siya krimiirin dimin kibiki kibi iirar tirkin krimiir nanmaiwarkainamin. Iriig.

Iikamim yipiki nonkwona pi simiir boini

7 ¹Mi ta kara winkiya yokwoni kimiiram kara min swoki win boinkikin, ti digworaekwowim kima sriigiyim, iya kima winkiya kariiram. Mi kariirar kwoinin yio hiniina naingwowi ta sairin inkamin wig nonkwona karamae mi owi yi ini wadieyar mi owin. ²Mi wigkam whiekakim yim hii nanaeni siyiūin, dimin biyiekakin siir tirikim. Mi ti hiriinan siyiūin yio ini ywowin, kam whiekakim yim simiir yapiyapa wigakar dwo mi iriipi hiriinan wigim simiir yapa yapa kamaka mi owi, yi ini mi owin. ³Mi inkamin yipiki wigak nwowiyin, yio siya siir wig aiiramar timi kiwaki, iripa nib saika whwonkaiyamin. Mi wiga kamkam mi owiya, ya saeya sair kam iiramar timi kiwaki, iripa nib saika mi whwonkaiyamin. ⁴Kara ti hiriinan minsi boinkikin, wig saeya sair piua wi sasar kigriraona rani. Niingaka. Saair kamn wi siya warar timi kigrirao. Mi kamn, yio iriipi hiriinan siir piua siya siyar mi kigriraona rani. Niingaka. Wiga siya nonkwona wi saeya warar timi kigrirao siirin.

⁵Mi sowowaiyin iripa piu nwowamin wi kipi nimiiyu. Mi ini mi owin sowa kwoin whiruwar mi okii iripa nib mi whwonkai karamae mi owi ii nhirim mi sowa Adi Komii siiramin wa nwoki kwis boinim diminamin. Mi mhoyia, sowa diminamin Adi Komii siiram kwisboin digii mi sowa iripa nib whwonkaiyamin wa ti swoki aingwo mi Setan siya sowiir kwoin iir nikpitmai karamaeyin wi hiriinanki nwowi. Mi hiriinanki niuwi, sowa wi kam nwiraka mi wig iraka hii saeya priinanaeyami.

⁶Taka yaiya ya wigkamim nonkwonam simiir boinkika, ta kima niki sriigiya kariir. Mi kara ini kwoin whiruwar mi okiyin. Mi ta yaiya ya Adi Komii siir siyu komii siir yaiya ya saiir hiriinan tani. Niingaka.

⁷Mi kara hiniina naingwowi ti wigkam hiriinanim yim sima kariir hiriinan niingar timi o. Mi Adi Komii siya iikam nhirim yim hiriinanar mi onkwokwokikim nhirim ti hiniin mi nhirim ti hiniin. Adi Komii siya hiriinanar naingwokin iikam nhirim yim ha timi onkwona mi Adi Komii siya iikam nhirim krimiirin hiriinan niingar mi owamar mi onkwokwokikin.

⁸Mi kara ta saiirin pi hiniina boinkii, wigkamim yipiki nonkwona karamaeyim mi wigim yipiki simiir kamim naowim, yi ini wadieyar mi owim, sima hiriinan niinga mi owim kariir hiriinan. ⁹Mi kima, kimiir kwoinim sibgu naingwo omok karamae nwowi mi kima ha naingwowi, iripa piu kamaka mi wig aka nwowamin mi kima hindara nonkwonaei, aeya yi nikrani. Mi yio siyu miyik rani, kima hiriinan niingar nwowi. Mi iripa piu kam nwiraka mi wig iraka ha nwowi, yio ti hiriinan yio siyu miyik rani, ini kipiigi kipi ywowin.

¹⁰Kara ti wigkamim yipiki nonkwonam kimiir boinkii, kara kimiirin igao yai boinkii, wig kima kimiir kam imiir kipi haiburgig. Mi ti yayim kariir kwoinairga bi priinaingwo boinkim. Niingaka. Kariirin Biyan Inkam Komii Krais siyar boinmaugim mi kara kimiir asi boinkin. ¹¹Mi wiga yipiki saiir kam iir soggiya, saeya kipi swoki onkwona yaeya kam nwirni. Mi hiriinan kamaeki niuwi, saeya wa ti swoki am saiir kamkikam iiramar mi kamim yim iriipi hiriinan yim simiir wig imiir kipi mi sopki.

¹²Mi tiriiginim, yim kariir kwoinkar naingwo boinkikim, iikam nhirim kimiirin Biyan Inkam Komii Krais siya bi boinkikin kariirin ti siirin, yim kariir kwoinkar naingwowarkaigim. Mi inkamin yipiki Adi Komii siir yai aiir wakaeyoknaei mi siya wiga Adi Komii siir siyu napkaramaeya saiir bidi yasae onkwonakiyini mi saeya siiram naingwowi mi saeya wi hiriinar timi o siirar mi siya saiirin wi kipi sopki ya hiriinar timi o.

¹³Mi wiga Adi Komii siir yai aiir wakaeyokna api mi saeya kamim yipiki Adi Komii siir yai aiir wakaeyokna karamae nwowin siirin bidi yasae onkwonakiya mi siya saika hihar nwokripkaiyam tiri mi saeya siir kipi sopki. ¹⁴Mi saeya siirin wi kipi boriisop mi wi kipi sopki. Dimusi rani,

Adi Komii siya ha boinkin, tariigina ya siya bidi yimbingiya. Dimusi rani, siir wiga Kraisi siir yai imiir sibgu wakaeyokna apka Adi Komii siya ha boinkin, wiga Kraisi siir yayim simiir wakaeyokna ap karamae nwowiya bidi yimbingiya. Dimusi rani, sair kamin yio Kraisi siir yai aiir sibgu wakaeyokna apikin. Mi ti yayim sima kaimwoki niuwi mi Adi Komii siya wi ha boini, kimiir yinisisimim yim wadiekim. Mi ti yayim sima kaimwono karam nwowi mi Adi Komii siya wi ha boini, kimiir yinisisimim yim miyik rani, yim ini iki iikamim Kraisi siir yai aiir wakaeyokna ap karamae nwowiyim ini simiir yinisisimnan ywowim. Mi yim ti yayim yim kaimwowaigim. ¹⁵ Mi wigkamim Adi Komii siir yai aiir wakaeyokna ap karamae nwowi mi wigkamim nonkwonam sima sima ha ninan sopkii mi kima yipiki Kraisi siir yai aiir wakaeyokna apim, kima simiir boin sima swoki onkwonamin. Kima simiirarar kigninkinki. Mi wiga yipiki Kraisi siir yai aiir wakaeyokna apa ya saeya sair kamin siir kwoin iir kipi kiyai, saika hiriyar nwokripkaiyamin yo sowa yapa yapar timi o. Mi kamin yipiki Kraisi siir yai aiir wakaeyokna apiyin, yio siya siir wiga sair kwoin iir kipi mi kiyai, saika hiriyar nwokripkaiyamin. Yo sowa yapa yapar timi o. Wigkam krimiirin Adi Komii siya bidi yimbingiyim, siyamar mi krima wi siyu miyikimiyikin wi siir nwoki apim mi krima wi iki wigkam nhirim mhii hinsima simaka nwoki owim. ¹⁶ Mi ni kira wiga naingwo tibmii kiiniya kira ninokninkin tani, kira kiriir kam iir tiri, siya Adi Komii siiram naingwo tibmii kiinim. Mi iripi hiriinan, kamin naingwo tibmii kiiniyin, kira ninokninkin tani kira kiriir wig aiir tirkiyim, saeya Adi Komii siiram naingwo tibmii kiinim. Iriig.

Krima hiriyar dwo mi dimin taeminim krima tirim Adi Komii siya nikiuna krimiir siir iikam nwowam krima simiirarar tir

¹⁷ Kara pi ta yai kwira sae swoki kwaingiyas boinami, iikam kima nwinira irira hiniina dwo mi diminim Biyan Inkam Komii siya nimbinim kimiir biya, iya siya kimiir kwoin imiir kiyaiyin siir siyu iir napam simiirarar dap iski. Kara ti dimin hiriinan kaimwowim pi ti iikamim Adi Komii siir siyu iir napiyim iki omom omomim simiirir pi simiirar swoki boinkii. ¹⁸ Mi biya sima kamim simiir miois imiir kitiyopnir haiyim, yi tiriiginin yio min nisiimauugin siya Adi Komii siirgin. Mi Adi Komii siya ti inkamin siir kwoin iir kiyai, Jisis Kraisi siiram naingwo tibmii Kiinam. Mi siya Adi Komii siir yai aiiramini bidi iki wakaeyoknan mi siya ta wisyaiya sima niga sairin wi kipi swoki iinakmimin. Mi inkamin siir mioisa kitiyopnir hai karamae nwowi mi Adi Komii siya siir kwoin iirin ha kiyai, Jisis Kraisi siiram naingwo tibmii kiinam mi siya Adi Komii siir yai aiiramini bidi iki wakaeyoknan mi siya wi simiiram kipi kiwaki miois aiir kitiyopnir haiyamin. ¹⁹ Mi inkamin miois kitiyopnir haiyin mi inkamin miois kitiyopnir hai karamae nwowin, yio ti hiriinan diminin, yio dimin

komii rani. Mi diminki dimin komiiyin iikamkim sim wakaeyoknaeyin ya Adi Komii siir yai aeyairga. ²⁰Mi tiriiginim hiriinanar tiri, iikamim sima Adi Komii siiramın sair naingwo tibmii kiini mi simiir miyim sima miriyyim ta ii aiir, yim ini ywowim. Mi sima wi hiriinanar ti swoki tirnam. ²¹Mi kira inkamin whisarii mii niingar priimiriigin. Mi kiriir kwoinin Adi Komii siya kiyagin siiram naingwo tibmii kiinam, yi ti hiriinanin yi dimin karamaeka kira ta mii hiriinana kira miriyya wi saiirsi kipi naingwoyimyok. Mi inkamin kiriir kigriraowiyin siya kiriirin rirmiiya nwowaiginiugi, yi ini mi owin mi kira ti hiriinan siyiuin siir mi owamin maigimaigar timi onam. ²²Ta kima nwowa ti inkamim yipiki kimiir kigriraowim simiir aowa sair hiriinan ta biyya kima nwowa dimin biyye sair aowa saeya niki kigriraowa sair hiriinan. Mi kimiir kwoinim Adi Komii siya kiyaii, siiram naingwo tibmii kiinam, kima siir yai aiir wakaeyokna apam mi kimiirin wi siyar pi ywohaiginiuwın rirmiiyan ti dimin biyyeyim yipiki kimiir kigriraowim simiir aowa kima nwowa simiir hirankin. Mi hiriinanki niuwi, kima tariinanin ini Jisis Kraiis siir iikam rirmiiya nwowim. Mi kima yipiki, whisarii miyya priimiriigi windi, yipiki ti inkamim kimiir kigriraowim simiir mii mi ti hiriinan siyiuin, iikamim yipiki mii umiram miriyyim, yipiki inkam nhirmi aowa nwo karam nwowim mi kimiir kwoinim Kraiis siya kiyaii, kima siiram naingwo tibmii kiinam mi siir yai aiir wakaeyokna apam mi kima tariinanin ini Kraiis siir aowa nwowim, whisarii mii priimiriinan. ²³Mi ta Jisis siya naonama mi siir nhieya ha naokiinainiya mi Adi Komii siya kimiirin dimin prasae prasae bi hauugikin kimiir sainamin. Mi tiriiginim ha saingiyim, Adi Komii siir iikam nwowim, kima iki iikam nhirim simiirin hiuyirmai, kimiir nikiunamsi, yaeya siyu whiram simiir aowa nwowam. ²⁴Mi ta hiriinan saiirsika kariir nomiiyauim nim krma wi hiriyyar nwokripkaigi Adi Komii saikan. Mi krma wi kwoin whiruwar nwoki. Mi krma wi ta mii aiirar mirii kripkaii, ta krma miriyya biigi bii Adi Komii siya kiyaiya krimiir kwoin imiir. Mi krma ha napim siir siyu iir sair. Iriig.

Wigim kam karamae nwowiyim mi igibae ikim sim boini

²⁵Tariinanin, kara ta yokwowa kimiiramın wigim kam karamaeyim simiir win boinkikim. Kara kimiiramın dimusi bi winkikin, biyya kima kariiramın simiiram niki srigikin. Kariirin Biyyan Inkam Komii siya bi boinkin. Niingaka. Yim ti dimin hiriinanim kimiirin, yi kariir kwoinkar kwanaingwo boinkikim. Adi Komii siya kariirsi naingwobumbugin mi siya kariirin wadie asi nwo haiginiugin mi siya kariirin kwoin miyyik iirar hauu haiginiu mi kima ti kariir yai imiirar timi wakaeyokna ap yim kaimwowaigim.

²⁶Kara ha naingwowi ti hiriinan siyiuin yio wadiekın, inkamin hiriinan wig karamaeyar mi owi. Dimusi rani, taka iyya iikamim

nuanim sima krimiirin wi siyu miyiknan tir tani. ²⁷Mi kamim yipiki nonkwonam, kima kimiir wig imiir kipi haiburgig mi wig wim kima iriipi hiriinan kimiir kam imiir kipi mi haiburgig. Mi kamim yipiki wig nonkwona karamae nwowin, ni kira wig nonkwonam kipi swoki aingwo mi wiga yipiki kamkak nwo karamae nwowa, ni kira kamkak nwowam kipi mi aingwo. ²⁸Mi wigkamim yipiki nonkwonam, wim kima dimin biyie tiram kipi naingwo. Mi kara kimiirin pi hiniina boinkii, iikamim yipiki dimin biyie krimiir tirim, sima wi kimiir kimpipisu haiginiuwu iikamim yipiki nonkwonam. Kara hiniina naingwowi, ti dimin hiriinanin kimiir kipi kiyipsibgi haiginiu. Niingaka. Kima nonkwona karamae nwowi, wim wi ti nonkwonani siyuin, hikak siirsi nwo rani. Niingaka.

²⁹Ti kariir nomiyauim, ti yayim simiir yaimwoki yaimwoim, ti kara win boinkiyim kimiiram yim tisirim. Iya Adi Komii siya nimbingiya krimiir ti nu iir nwowam, ya ini kingiin nwowa, wi sapi digii mi kwoin ara ta saiiram daingwoki mi Adi Komii siir mii aiararar mirii iski. Mi tariinanarin, inkamim wigakin yipiki Adi Komii siir mii aiir miriyyim sima nhami nhami kipi mirii, iki kamim nonkwona karamaeyim simiir hiriinan sima mi miriyya. ³⁰Mi iikamim yipiki Adi Komii siir mii aiir miriyyim mi ha ninouninkiyim, yim iki iikamim ninouninki karamae nwowim simiir hiriinan dwo. Mi iikamim yipiki maingimaing nwowim, yim sima iki iikamim yipiki kwoin whwokwoka nwo karamaeyim simiir hiriinan dwo. Mi iikam yipiki digworaekwo whiekakakim, yim iki iikamim yipiki digworaekwo karamaeyim simiir hiriinan dwo. ³¹Mi iikamim yipiki ti nuin siir tiran digworaekwo imiir sainiyim sima ha kipi naingwo, kouin ini sima ywowim. Niingaka. Dimusi rani, ti nuin siir digworaekwowim, mhoiyya yim wi simbi digiguskaa.

³²Kara ha naingwowi, wim kima ini ti hiriinanar mi aingwowim. Mi ti umiram naingwokwonanaei kwoinin wim wi Adi Komii siir naingwo rani. Mi inkamim nonkwonam naingwo karamae nwowi mi siir kwoinin Adi Komii siir mii aiir mirii aramar naingwowi, yim sima ini big nasmirwaiya Adi Komii siiraramar nwowim. ³³Mi kamim yipiki wigak nwowim, yim simiir kwoinim ha naingwowi, nuan digworaekwowim simiir wig imiirin wi maingimaing sima nwoaiginiuwu.

³⁴Mi inkamim siir kwoinin dimino whisairam naingwowiyim, yim simiir kwoinin ha naingwowi Adi Komii siya big nasmirwaiya simiiramar mi owim. Mi sima hiriinanam warar mi aingwowi, simiir wigim maingimaing simaka mi owim. Mi wiga niki onkwona karamae niki owa mi ta wig kopaksim niinga, saiir kwoinin Biyan Inkam Komiiyin siir dimin taemin imiiraramar daingwo. Sima hiniina daingwo, simiir piua mi simiir kwoinim, yim rirmiiyar dwo Adi siir dimin taemin imiir tiram mi wigim yipiki nonkwonam, yim sima simiir kam imiiramar naingwo iskaa, big nasmirwaiya simakar mi owim. Mi sima ti nuan digworaekwowim simiiramar naingwo kripkaii.

³⁵ Mi ti dimin taeminim kara boinkiyim, kara kimiirin hiniina bi boinkikin, kara wari dimin taeminim kima tirim simiir kaiyaokikin. Niingaka. Kara ti diminim kimiirin minam boinkikin, kimiir whinkinsiis haiginiuwim wi siyu miyikin siir napam. Mi hiriinanki niuwi, ti digworaekwowim ti nuin siirim yim wi kimiir kwoin imiir kiyaiwao rani, kima Biiyan Inkam Komii siir dimin taemin imiir tiri.

³⁶ Mi inkamin wig aiirin hindara boiritmaiyyin, siya wa ti idid. Dimusi rani, siya iripa piu saika nwowam naingwowi mi siya saiirin wi hindara ti nonkwona iski mi yio ti hiriinanin yo sowa hii nanai rani. Dimusi rani, sowa bidi yonkwonao. ³⁷ Mi inkamin siir kwoinin siirin siyar swoki kigriraonaei mi siya hiniina naingwowi, siirin wi iikam nhrkim kiyai rani mi siya wi iripa piu saika mi o rani mi siya ta wig aiirin mi onkwona karam mi owi, yio ini mi owin. ³⁸ Mi kamim yipiki wig nonkwonam, yim sima siyu miyikimiyik iirar tiri. Mi kamim yipiki simiir kwoin imiirar nwowiyim yim kipi nonkwona, yim ini ywowim mi yim sima dimin komii kibi iirar tirkim.

³⁹ Mi wiga yipiki biiya kamkak niki owa mi saeya yaeya kam nwirni nonkwonam kipi tir, iya saiir kamin ha niki owiyin. Mi saiir kamin siya naonamkiswo, aeya nikrani, saeya yaeya kam nwirni nonkwonam ha mi aingwokiswo. Mi ti inkamin, ti saeya nonkwonam tirin, yio siya Adi Komii siiram naingwo tibmii kiinan inkam dwo wi yaeya inkam kipi nwo. Niingaka. ⁴⁰ Mi kara ti siirin hiniina naingwowi, wiga yipiki saiir kamin naowin mi saeya hiriinan kam karamaeyar mi owi, saeya wi maingimairgar mi owi. Adi Komii siir naeyuin kariirin siya whinkinsiis haiginiugin mi kariirin siya boinkin ti hiriinanin. Iriig.

Dimin taeminim uruwai siyaowai ninkin imiiaeyiyim simiir boini

8 ¹ Mi dimin taeminim panao kara kimiiram winkii, kara pi dimin taeminim iikamim yipiki ti nu iir nwowim yipiki Adi Komii siir siyu iir nap karamae nwowim mi uruwai siyaowaini ninkin imiiaeyiyim simiir boinkii. Kara ta yokwowa kimiiramim whisarii bi winkika, biiya kima simiiram niki sriigikim. Kara ha naingwowi, kima hiriinan bidiyar iki boinkiyim, krime ti dimin iirin ina ninokninkinim. Mi kara pi hiniina boinkii, inkamin dimin taemin whiekak ninokninkiniyin mi ti hiriinan digworaekwowim siirin sima nantamiyiriyiri mi siya paniinsi wakaeyoknasi. Mi krime irni nwirnyam ninan aingwokwowi mi ti hiriinan siyuin krime krime krimar swoki kinsiisnaei mi krime wi wadie saiirsyar nwowi, Krai siir hiriinanin. ² Mi yipiki ha boini, sima digworaekwo whiekakim bidi yinomokninkin digim mi yio Adi Komii siya simiirin wi ha boini, sima miyik rani, sima bi sibgu naingwo omokim. Mi sima hiniina bi mi aingwokim sima siir digworaekwo whiekakim simiir bidi mi inokninkinim. Niingaka. ³ Mi yipiki Adi Komii

siiram naingwokwowyin, yio wi hiniina boini, sima wadiekim mi sima siir iikamkim.

⁴Mi kara kimiirin pi min boinkii, nae dimin taeminim yipiki sima ninkin imiiyaeyim uruwai siyaowaini. Mi ti siyiu hiriinanin, kara pi hiniina boinki, krima uruwai siyaowai simiirin ina ninokninkinim, yim sima kaimwo rani. Yim sima Adi Komii rani. Adi Komii sasairgin biiyar whiuwiniunan. ⁵Digworaekwo kasa kasa rani, ninomor kou hir nwowim mi nu tirin iriipi hiriinan. Mi iikamim yipiki Adi Komii siir yai aiir wakaeyokna apkaramae nwowim sima boin, krima ini Adi Komii siir hiriinan ywowim. Mi kam adiyaowaeyim yim ha naingwowi, ti uruwai siyaowaiyim, yim hiriyar nwokim. Mi nim krima iikamim simiirin ina ninokninkinim. ⁶Adi Komiiyin nwrki nwiruwaairgin, siya krimiir Adigin mi siya hiriyar nwokin mi siyaairgin digworaekwo whiekakim simiir bwamkibwamin mi krima hiriinanar dwo mi siiraramar dinmiininkin. Mi Jisis Kraisin nwrki nwiruwaairgin yipikin hiriyar whauiniunan biiya siya ninomor nu sowiir digworaekwo whiekak imiirar mi nonkwokwokin. Mi krimiirin siyar mi onkwokwokikim mi krima siir naeyiu iir haigim mi krimiirin siya whinkinsiiskim mi krima hiriinan asi nwowi.

⁷Mi iikamim yipiki Adi Komii siir yai aiir wakaeyokna apim, simiir nhirim hiniina kigninokninkin tani, ti niksisaе uruwai siyaowaiyim yim dimin komii rani. Yim sima ha naingwowi, sima inkamni haniin yaimin dimina mi omboboini. Mi iya sima naeyim uruwai siyaowai imiir ninkin imiiyaeyim simiir naeyim, sima ha naingwowi tiriiginim yim kaimwowaairgin. Mi iki naeyim sima swoki aeyim yim uruwai siyaowaini simar niki inkin imiiae imairgin mi simiir mhii kwoinim pi miyik swoki o rani, pi yibgini haniin hindarar kiimitkini. Dimusi rani, simiirin dimin whirkin bi nieyokin. Mi Adi Komii siya pi big nasmirwaiya nwoki rani. ⁸Adi Komii siya naeyim uruwai siyaowaini ninkin imiiyaeyim krima naeyim simiirsi bi naingwoyimyokikim. Niingaka. Mi iki krima mi ae karamae mi owiyim, simiirsi bi mi aingwoyimyokikim yim dimin komii rani mi ti diminim krima naeyim, yim wi krimiir tirbu rani mi Adi Komii siya krimiirin wi hiniina naingwo rani, krima iikam bibiyekim. Niingaka. Mi diminin iki krima nae karamae nwowiyin, yio wi krimiir mi kiyipsibgi haiginiu rani mi Adi Komii siya wi hiriinan saiirsi mi aingwo rani, krima iikam miyikim. Niingaka. Diminim krima naeyim yim dimin komii rani.

⁹Yi tiriiginin yio dimin karamaeka. Mi kima wi mintirao diminim kima naei simiirsiyin. Mi hiriinanki niuwi, kima wi iki iikamim yipiki Kraisiir siyiu iir sibgu ap karamae nwowim wi simiir kiyipsibgi haiginiuwi. Mi yim wi hinda kipiiyar nwowuguskii. Dimusi rani, sima krimiir kigim, diminim sima haiyaiyin kima naekin. ¹⁰Mi ta hiriinan saiirsika, kira hiniina boini, an kara ti inkamin ti digworaekwo imiirin

ina kigninokninkinin. Mi kira ti nae imiirin ha naei ti sima ninkin imiiaeyim uruwai siyaowaini mi ti inkamin yipiki niki aingwo tibmii kiin karamae niki owin Jisis Kraiis siiram mi siya kiriir kigi, kira ti dimin iir naei mi yio siya wi ti naeyim uruwai siyaowaini ninkin imiiaeyim wi simiir naeyamar mi aingwowi. Mi siir naingwo tibmiiya wi sima kiyipsibgi haiginiuwi biyie nwowamin. ¹¹Mi ni kira ti dimin imiir asi naei, ni kira hiniina naingwowi, uruwai siyaowaiyim yim dimin komii rani. Mi inkam nwirin dimin whirki nieyok karamae nwowiyin Kraiis siya siirsi bidiyar mi aowin. Mi siya ha naei ti nae iirin mi ti diminim Kraiis siirim siya niki kigna tirim, yim wi kipiii nwoki rani. Dimusi rani, ti naeyim siya naeyim simiirsika. ¹²Kira wi kiriir nomiiyauwin siir kwoin iir kiyipsibgi haiginiuwi kipiii siya nwowam mi siya Kraiis siir yai airin wi sibgu wakaeyokna ap rani. Dimusi rani, wari diminin kira kwatirkiyin siirsika. Mi kima Kraiis siirin, wi ti hiriinan siyu biyeyin wi siir tiri. ¹³Mi ta hiriinan sairsika, ti diminin kara naei, yio wi kariir nomiiyauwin siir kwoin iir kiyipsibgi haiginiuwi biyie siya nwowim mi dimin taeminim Kraiis siirim siya niki kigna apim, simiir warar. Mi kara mhoiia wi ti hiriinan dimin imiir swoki ae rani kara pi boriisopi kariir nomiiyauwin siir kwoin iir nwowaiginiuwim biyie. Dimusi rani, ti dimin taemin hiriinanim simiirsika. Iriig.

**Pol siya maigimaiga dimusi bi nwokin, siya umirim
iikamim naingwo tibmii kiiniyim simiir hiranki bi haigin
dimin taeminim siya naingwowim simiiramin**

9 ¹Kariirin wi dimin whirki nikidu rani, ti diminim kara tiriyim Adi Komii siirim. Kara aposel inkamin mi Jisis Kraiis siirin karar kigin. Mi Biyan Inkam Komiiyin mi iikam kima Kraiis siir yai airin wi hiriinansi wakaeyokna api. Dimusi rani, Biyan Inkam Komii siir digworaekwowim yim kara tirim kimiir, simiirsika. ²Mi iikam nhirim hiniina naingwo karamae nwowi kara aposel inkam tani, yio dimin komii rani. Mi wim kima om Korin warauran iikamim wim kima kariirin hiniina asi naingwowi, kara aposel inkamkin. Dimusi rani, digworaekwowim kara niisiimauuwim kimiir simiirsika. Mi kima kimaigim Kraiis siir yai aiar wakaeyokna apiyim. Mi ti digworaekwowim Kimiirin sima niisiimauugim hiniin, kariirin Biyan Inkam Komii siya nimbingin aposel inkam nwowamin.

³Mi iikamim ha boiniyim kariirin hiniin kara aposel inkam tani mi kara simiir yai akan pi hiniina nowarkii boinkii wara yayim kara winkiyim simiirin. ⁴Mi haniinginiuwi, kara dimin taeminim iikam kimiir warauranki ti hai mi kara pa nwoki aeyim diminim kara tirim kimiir simiirsiyin. Dimusi rani, kara aposel inkamkin. ⁵Mi yipiki Biyan Inkam Komii siir siyu iir napiyim wigim, krime simiir mi onkwonaei

yio ini mi owin mi krīma wi simaka niki amyokiyokiiyim iki aposel kam nhirim simiir hiriinan iki Biīyan Inkam Komii siir nomousisimim simiir hiriinan mi Pita siya, aniya? Mi ini mi owin kara naeyam kariir mii aiiram mi srii? ⁶Mi Banabas mi kara krira krirar ti mirii nonkworinu kripkai nae sainamin mi nae imiir naeyamin kririirgi kririir umir imiirarar ti krinmai, aniya? ⁷Mi kamim yaii niniyan inkam nwowiyim sima nae minim simar bi kigriraonaekim. Mi inkamin numiran sasaeya ninkiniyin mi inkam nhirkim siirin ha pi boinikin, wari dimin taeminim kira ninkikinim simiirin wi kira nae rani. Iikamim wi sibsib kigrirao rani, simiirin iikam nhirkim boini hiniin, kima wi simiir mwiii imiir kwiyae rani. Niingaka. Mi krira kimiiram naeyam srii wi wadieyar mi owi, aniya?

⁸Tiki yayim yim inkami kwoinarar bi priinaingwo boinkikim. Niingaka. Siyu komiiyin biya Adi Komii siya hauugiyin Mosesni, yio iriipi hiriinanar mi boinkikin, ti diminim yim kaimwowaigim. ⁹Mi bidi bidiniyarin Moses siya yayim Yokwo Komiiyin hiniina winboinkikin, bulmakauin witnid nokwobrombropiyin siir yai aiirin wi uridni kipi kogripikou mi hiriinan tiri, siya wi ti witnid imiir nae rani. Niingaka. Adi Komii siya bulmakau imiiram bi naingwokin iya siya ti yayim Moses siir boinmimauuwim. ¹⁰Niingaka, siya ti yayim minam winkikin iikam krimiir whinkinsiis haiginiuam bulmakauni haniin. Moses siya ti yayim minam winkikim, krīma ti yai imiir ninokninkinim. Mi inkamin yipiki nu hainopin mi inkamin yipiki sasaeyim wai nwowim simiir ningugu haiyin, sowa nwisairarin wi umir kinar haiswowi ta miya sowa miriia sairsiiyin. ¹¹Mi krīma Adi Komii siir yaiya kimiir bidiyar iki boinmauuim ya ini naenan ywowa kimiir mhiyim saeyar kiniu haiginiuwi. Mi hiriirankiniuwi mi tari kima wi nae krimiir hauu rani, krimiir piu aiirsi, aniya? ¹²Mi iki iikam nhirim yipiki kimiir whinkinsiisiyim, sima naeyim kimiir warauranki mi haii, simiir pua sair kirie haiginiuam mi ti hiriinan siyuiin yio ini wadieki wadieyar mi owin, krīma kimiir biyan inkamim nae mi haiyim. Mi biyar nwoyokiyokiananiyin mi tariinanar yadigiyin, krīma iikam kimiir waraurankin dimin sim whir bi swoki haimiminkim. Krīma inkam paeprkabnan nwokim mi krīma mhiigar mi aokim. Mi krīma kimiir kwoin imiirin wi hiriinan sairsi nikpitmai rani. Mi krīma hiriinan tiri, wim wi Jisis Krai siir yai aiir wakae rani. ¹³Kima ta yai aiir daingwoki, Isrel simiir pris inkamim yipiki omaka Adi Komii siir inig hainaniya sair miriyyim, sima simiirin pa mi boinki, sima naeyam ti nae nhirim ti iikam ima hainaniyim ta omaka aiir Adi Komii siiram. Mi ti pris inkamim ti diminim ti kam ima haigingigim hiya nae haiginiya sair, sima simiirin pa haii mipa ninkin imiyyae Adi Komii siir mi haimiyyim pi simar swoki aei. ¹⁴Mi ti hiriinan siyu kaimwoin Biyan Inkam Komiiyin yio iriipi hiriinanar mi boinkin. Ti iikamim yipiki Krai

siir yaiwin kibiya saiir boinmimauuim, yim sima nae digworaekwo minim wi iikamim yai sima boinmimauuim simiir hiranki haii simiir piu aiir kirie haiginiuam.

¹⁵Mi ti hiriinan siyiun kariirin ini wadie siya ywowin kimiir aposel inkamin siya sriiyamin kimiir. Mi biyarin kara kimiiram bi kaugin diminamin mi tariinanin kara ta yokwowa kimiiramin hiriinanam bi winboinkikin, kima kariir kigriraowim. Mi kara mhiigi nao kingiin nwokiswo mi kara kimiiramin pi naeyam dimuim mi sriigii. Niingaka. Kara pi boriisopi dimin whirin inkam nwirni iinanki haiyim. Mi kara dimin haii mi kara wi ha boin tani kara Kraiis siir yaiwin kibiya saiir boinmimauuin mi umir bi haigin. Niingaka. ¹⁶Mi kara maairgimaairga kanakana bi nwonakin Kraiis siir yai win kibiya saiir boimimauuamin. Niingaka. Kariirin Biiyan Inkam Komii siyar nimbingikin ta saiir tiramin. Mi kara simiir boinmimauu karam nwokiswo mi kariir kwoinin kanakanarin wi io prasae di ywowi. Mi kara ta yaiya Biiyan Inkam Komii siya boinkiya kariir ya wi digiumii pi haimriiyugigin. ¹⁷Mi kariir kwoinairga priinaingwo tirkiswo ta miya Kraiis siir yaiwin kibiya saiir boinmimauuwiya mi kara wi umir digworaekwo ta mii aiirsiyar pi mi haiyin. Mi ya tariigina ya kariir kwoinairgi bi priinaingwo tirka. Niingaka. Adi Komii siyar nimbingin kariirin ta mii aiir miriyyamin. Mi hiriinankiniuwi mi kara wi umir, digworaekwo nae min hai rani, ta mii aiirsiyin. ¹⁸Mi hiriinan tirkiswo mi kara wi piki hiniin umirin si pi haiyin ta miya kara miriyya saiirsiyin, ha? Kara wi ti si pi haiyin. Mi iya kara Kraiis siir yaiwin kibiya iikam imiir boinmimauuwi mi kara simiiramin wi nae umir minam srii rani. Niingaka. Mi sima Adi Komii siir yaiya hinda whisariiyar priihaii. Mi ti hiriinan siyiun ti maairgimaairga kara nwowin, ya tariigina ya kariir umir aeya.

¹⁹Kara inkam nwirni aowa bi nwokin mi kara ini iikamim simiir whisarii mii priimiriyyan inkam ywowin. Mi kara iikam whiekakim simiir kwoinin wi digar piyamisi owin Jisis Kraiis siiram kiyaiiyim, siiram naingwo tibmii kiinim. ²⁰Mi iya kara Isrel simiir iikamim simaka nwowiyin, kara pi Isrel simiir siyu imiirar mi api mi Moses siir siyu komii ikin. Mi ta hiriinan saiirsiyaairga kara iikamim simiir kwoinin saiirsiyar kiyaii, sima Jisis Kraiis siiram naingwo tibmii kiinim. Mi hiriinankiniuwi mi ti Moses siir siyiun siya boinkiyin kariir, yo wi nwo rani, kariir kou. Mi ti iiyim kara nwowim hir kara simiirar mi apkim mi ta hiriinan saiirsiyaairga kara simiir kwoinin saiirsiyar kiyagigin. Mi wi Moses siir siyu komiini yayim wi sima nwo rani, simiir kouin. Mi sima wi Kraiis siir yaiwin kibiya saiiram ninmiininkini. ²¹Mi kara Moses siir siyu komiyyin siirin naingwo owouu rani. Mi siirin digiumii bi haimriiyugin. Niingaka. Mi kara tariinanin ini Kraiis siir yai imiir wakaeyokna apin. Mi iya kara iki iikam nhirim yipiki Mosesni yayim

sim wakaeyokna ap karamae nwoyiyim simaka nwoyiyim, kara Moses siir yai imiir bi napikin. Kara ti hiriinan siyiuin minam tirkin, kara wi iki iikamim simiir kwoin imiir niki kiyaiyim Jisis Kraiis siiram naingwo tibmiikiinim. Mi ti hiriinan kara tirin, kara Adi Komii siir siyiu iir bi taouugakin, kara Jisis Kraiis siir siyiu iir napkin. ²² Mi iya kara iikamim yipiki naingwo tibmii kirie nwo karam nwoyiyim Jisis Kraiis siiram, simaka nwoyiyim mi kara diminin maigimaigra sima nwo karamae nwoyiyin kanaka, siir bi tirikin. Niingaka kara diminin sima naingwowyiyin hiniin yio ini ywowin kara siirarar tirikin. Mi hiriinan saiirsika, kara simiir kwoin imiirin asi kiyaii kirie nwowamin, Jisis Kraiis siiram naingwo tibmii kiinamin. Mi iinokiinokin kara iki iikamim hinda tindanim simaka nwoyiyim, kara diminin iki sima naingwowyiyin hiniin yio wadiekin, kara siirarar napikin. Mi ta hiriinam saiirsika, kara simiir kwoin imiirin hiriinansi kiyaign Jisis Kraiis siiram naingwo tibmii kiinim.

²³ Mi kara iinok iinokin hiriinan ta saiirsi tirkin Kraiis siir yaywin kibiya saiir hainanamin. Mi Adi Komii siya kariirin wi hiriinan saiirsi hainan prapraskii kariirin mi iki iikam nhir ikim. ²⁴ Kima ta saiir daingwoki. Iikam whiekakim iki ninkikin iwitiyim sima biikinar bi nwoswowikim. Niingaka. Nwirkinwiruairgin pi bii iwit okwoiu. Mi ti inkamin bii niwit okwowin diminin pi sasar haiyiskii. Mi ti hiriinan siyiuin, ti iikamim yipiki ninkikin iwitiyim kima Kraiis siir yai aiiram in hiriinan sibgu wakaeyokna api mi kima dim in miyiyikin Adi Komii siya wi hiriinan saiirsi hauuwi. ²⁵ Mi iikam whiekakim yipiki ninkikin iwitam naingwowyiyim, dim in haiyim, sima iinokiinokin nhami nhami bi niwitikim mi simiir piua kirie saiirsiyar nwowi. Sima ti hiriinan minsi tiri, sima wi iki iikam nhirim simiir nwoki iwit haiburim mi wi diminin Adi Komii siya hauuwi iikamim bii nwoyim simiir wi siir nwoki haiyim. Krima dim in komii komii imiirarar tir Adi Komii siiram wakaeyokna apim mi krima wi siir dim in miyiyik miyiyik imiir nwoki haiyim. Yim sima ti diminim ti kamim ninkikin iwitiyim bii nwoyiyim sima haiyim wi simiir hiriinan biyie nwo rani. Niingaka. Yim sima wadieki wadie imairgim mi wi hiriyar nwoyokiyokiikaeyami. ²⁶ Kara ti inkamin yipiki hinda tinda niyaeyimyok kaowiyin siir hiriinan bi ninkikin iwitikin. Niingaka. Kara ini inkamin yipiki maeyaua niwit okwoyiya saiirgisaiiramar nanmainonkwowyiyin ini siir hiriinan ywowin. Mi ti hiriinan siyiuin kara iinokiinokin Adi Komii siir mii aiir asi miriinanaei. Mi inkamin yipiki yaii niniyiyin siya siir ina hinda bi priitio priitiowika. Niingaka. Mi ti hiriinan siyiuin, ta Adi Komii siir miya ta kara miriia ya hinda bi mi priimiri priimiriiga. Niingaka. ²⁷ Kara kariir piu aiirar kirie haiginiunaekin karar kigriraowamin mi saeya wi kariir kwoin iirarar nwoki wakaeyokna apim. Kara ti hiriinamin minam tiri, mhoiia

kara Adi Komii siir yai aiir boinmimauuwi mi siya kariirin wi hiriinan boin tani, kara inkam paii rani mi kara siir dimin miyik miyikim wi simiir hai rani. friig.

Kima, kimasiyar mintiraona kima wi dimin biye kipi tir

10 ¹Ti kariir nomiyauim kara ha naingwowi kima ina sibgu inokninkinim siyiuin Adi Komii siya tirin krimiir yidiwi wanwiyaeyim simiir. Mi ta iya krimiir yidiwi wanwiyaeyim sima Moses siir wakaeyokna apnamim niimau mieki mieya hiriir mi taka iya Adi Komii siya wau mirsima saiir yikropki simiir siyu iir nisiimau apnamam. Mi taka iya siya simiirin bidiyar mi whinkinsiis haiginiuin. Mi iikamim sima ini whii komiia pariidnan dapiya ini saiirar mi iyapidnadamim mi simiir nwrki bi swoki aomin aominkin. ²Mi diminin krimiir yidiwi wanwiyaeyim sima tirin, iya simiirin waumir sima saeya kiikii ikoua sima kigna apam mi iya sima whii komii kwira pariidnan nikiuwiya sae mi iyapidama, yim tiki digworaekwo hiriinanim, yim iikam imiir nisiimauugim sima Moses siirarar wakaeyokna ap iskiyim. Mi sima ini siirarar mi wakaeyokna apim iikamim yipiki baptaisim simiir hiriinan yipiki hiniina nisiimauuim sima Biyan Inkam Komii Krais siirgim mi simiirin ini siyar kigirkakim. ³Mi iya sima niimau boskwonau hir nwowa, sima naeyin mana nikiuwiiyin siir naekim, yipiki Adi Komii siya hauugiyim simiir siir hirankin. Mi tiriiginin simiirin siya whinkinsiis haiginiugin simiir naingwo tibmiiya kirie nwowam. ⁴Mi sima opa yipiki Adi Komii siya hauugiya simiir saiirar mi kwiyae. Mi tariigina simiirin saeya kinsiis haiginiugin mi simiir naingwo tibmiiya komiigi komii asi nwokika. Mi ta opa sima kwiyae, ya siiya komiia saiir hiranki nitka. Mi ta siiya komiia ya aknainan Krais siir nisiimauuga simiir kwoin iir kinsiis haiginiuam ta opa sima kwiyae simiir piu aiir kinsiis haiginiuam saiir hiriinan. ⁵Mi Adi Komii siya simiirin ti hiriinan siyu kaimwoin siir asi whinkinsiis haiginiugin, Adi Komii siya maigimaigra iikam hoimgakim bi nwokin mi ta hiriinan saiirsika siya hiriinan asi tirkin mi Adi Komii siya iikam imiirin hiriinan saiirsi nisomsom aokao digiyam tirkin. Mi simiir piuis biyeyim niimau hinda tinda digar asi nwokikim.

⁶Adi Komii siya ti hiriinan diminin minam tirkin, krimiir nisiimauugin krma wi iki dimin biye hiriinanim sima tirim wi simiiram naingwowisi, simiir tiram. ⁷Krma uruwai siyaowaini inig kipi hainan, krimiir yidiwi wanwiyaeyim simiir iikam nhir ima tira saiir hiriinan. Mi ti Adi Komii siir yayim biya Moses siya wankiyim Yokwo Komii saiir yim hiniina win boinkikim. ⁸Mi iikam krma ti hiriinan siyu biyeyin hai sima priininae priininaeyin siir kipi tir, biyan iikam nhirim sima tirim simiir hiriinan. Mi Adi Komii siir kwoinin paenan ha niugiyin

simiiram mi siya simiir iikam nhirim ina yisomsom aokaakiyim. Mi 23,000 nim yim iikwiruwa saiiar mi kwaonam. ⁹Krima Biiyan Inkam Komii siir kwoin iir kipi kiyai, io krimaka nwowam, biiyan iikam nhirim sima tirim simiir hiriinan. Mi Adi Komii siya io simaka ha nwowin mi siya mipugim ina yikropkiyim mi simiirin ini sima piyaokaakiyim. ¹⁰Krima Adi Komii saika kipi ninkinwaowarkii boin, biiyan iikamim simiir nhir ima tira saiiar hiriinan. Mi sima diminam ha boinanaeyim mi Adi Komii siya siir paekwosimin siir yikropki mi siya ha nitin mi simiirin siya yisomsom aokaoki.

¹¹Mi ti digworaekwowim ti krimiir yidiwi wanwiyae imiir tirim yim iya sima niimau boskwoki boskwonau hir nwowa ha tirkim. Mi ti digworaekwowim Moses siya winkiyim Adi Komii siir Yokwo Komii aiir, yim krimiir niisiimauugim krima wi simiir hiriinan kipi tir. Sima ti iikamim ti tariinan nwowim krimiir niisiimauugim, iya Kraisiya swoki itana ini kingiin nwowa. Mi krima krimasiyar mintiraona krima wi dimin biyie kipi swoki tirmimin biya krimiir yidiwi wanwiyayeyim sima tirim simiir hiriinan.

¹²Yim tiriiginim yim ini ti sima tirim ini simiir hiriinanar mi imbiyamim mi wim kima iikamim yipiki ha naingwowim wim kima kiriekim mi kima Kraisi siir siyu iir napim ini kimiir yidiwi wanwiyayeyim simiir haiburim. Mi kima kimasiyar mintiraona kimiir kwoinim iki iikam nhirim sima kiyaii mi kima wi siyu biyie tiri. ¹³Mi kima wi hiniina kipi naingwo, ti digworaekwowim kimiir kwoin imiir kiyaii, kimiir nikpitmayam mi tiki hiriinan diminin iki iikamim, iki hinda tinda nwowim simiirin ini iriipi hiriinanar mi tirin. Yim sima yaeya rani. Niingaka. Adi Komii siya wadiekim, kimiirin wi siyar whinkinsiisi. Mi siya iki dimin bibiyeyim wi simiir kigninkinki rani, kimiir kwoin imiir nipiyaokiyam mi kimiirin wi sima nikpitmai rani. Kimiirin wi siyar whinkinsiis haiginiuwi ti hiriinan dimin biyeyim ti kimiir kwoin imiir kiyaiyam tiriyim simiirsi nokworinuwim.

¹⁴Ti kariir nomiiyau kiingi kiinim, kima uruwai siyaowai simiirsiyih aru dwo wim wi simiir inig imiir wara pi hainanisi. Dimusi rani, kimiirin wi Adi Komii siyar whinkinsiis haiginiui mi wi siyar kigriraowi. ¹⁵Kara ti yayim iikamim yipiki ninokninkin miyikakim kimiiiram boinkikin mi kima ti yayim ti kara boinkiyim simiir ti aingwoki mi simiir ti sibgu hid. ¹⁶Mi iya krima kumuniyih opa mobin siir nwokaiya nhwo saiiar kwisboiniyih mi krima iki saiiar kwiyaeyim mi krima hiniina niisiinauwi, krima mi Kraisi siya krima ini nwiruwar ywowskiyim mi ini kwoin whiruwar mi okiyim ta siir nhie aiiramim biiyar naokiinainama mi bretin krima niinibimbir aeyin yio min mi isiimauugin krima mi Kraisi siya krima, ini kwoin whiruwar ywowim ta siir piua biiyar naowa yipiki paeyin hiiniyar nironinkinin saika ninkin

irinugiyin. ¹⁷Mi iikam whiekakim krīma kasa rani mi krīma ini bret haruan siirarar yaeyim. Mi bret haruan krīma naeyin yio tiriiginin yio min niisiimauugin krīma whiekakarini ini Kraisiir piu kwiruwā sairarar yinkiamamasuim.

¹⁸Kīma Isrel simiir iikamim simiir daingwoki mi iikamim yipikki ti nae imiir naeyim biya priskim sim haiginim hiiya naemin dimin haiginia Adi Komii siiram, yi tiriiginim yim min niisiimauugin sima mi Adi Komii siya, sima ini kwoin whiruwā ywokiym ta hiiya nae min haigin inkin imiiaeya saikan. ¹⁹Mi ta yaiya kara boinkiya kimiir ya ta saeya, nae minim mi wraisu min ikim yipiki sima ninkin imiiaeyim niksīsaē uruwai siyaowaini mi ti naeyim yim dimin komiigim, iyie? Uruwai siyaowai sima ywo dimin komiyyin? Niingaka. Yim naeyim yim nae imairgim. Mi yim ti uruwai siyaowaiym, yim tidiyu min imairgin. ²⁰Mi iikamim yipiki ti dimin taemin imiir nap karamaē nwowiym mi Adi Komii siir naeyim siir ninkin imiiaeyim hiini sima nio haiginiyim, yim sima simiirin pi uruwai siyaowaini swoki inkin imiiaeyi pi Adi Komii siir ninkin imiiaeyi rani. Niingaka. Mi kara pi boriisopi kīma ti dimin hiriinanim uruwai siyaowaini ninkin imiiaeyim simiir naeyim. Mi kīma ti hiriinan dimin imiir tiri, yi tiriiginim yi min niisiimauugin kīma mi uruwai siyaowai sima, wim ini iripar yinkiamasuim mi ini kwoin whiruwā ywowim. ²¹Mi kīma Biyan Inkam Komii siir op mobin wi siir kwiyae rani, kīma uruwai siyaowaini op mobin siir kwiyaei. Kīma wi hiriinan tir tani. Niingaka. Mi kīma naeyim Biyan Inkam Komii siir hiiya sair haiginiyim siir ninkin imiiaeyam wi simiir nae rani, kīma ti naeyim uruwai siyaowaini ninkin imiiaeyim simiir naei: Kīma wi hiriinan kipi tir. Niingaka. ²²Mi kīma hiriinan tiri, wim wi Biyan Inkam Komii siir kiyopsibgi haiginuwi mi siya wi io kimakar nwowi mi kimiirin wi siya pi tioin. Siyairgin kirie komiigakin mi nim krīma ini niinga ywowim. Mi siya kimiir tiowi mi kīma wi siir nikwowaisii rani. Niingaka.

²³Wim kīma ti digworaekwo imiirin hiniina boinkim, ti digworaekwowim krīma tiriym yim wadeyairgim. Mi kara kimiirin pi hiniina boinkii, ti digworaekwo hiriinanim, yim wi kimiir whinkinsiis haiginu rani, Adi Komii siiram sibgu wakaeyokna apim. Sima wi kimiir kwoin imiir kirie haiginu rani, Adi Komii siiram sibgu wakaeyokna apim simiir nhirim sima simairgim mi kīma, ti kīma tirim simiiram daingwoki. ²⁴Kīma wi kimamar kipi naingwona mi kīma wi iki iikam nhirim simiir whinkinsiisam daingwo.

²⁵Mi kīma wi kipi nidid wraisuim maket haiginiyim simiir sainsiyin mi simiirin hiniina kipi mi srii, ti wraisu biya uruwai siyaowaini ninkin imiiaekim mi kimiir kwoinim wi hiriinan naingwoyimyok karamaē sairsi nwowi. ²⁶Mi yayim yipiki Adi Komii siir Yokwo Komii aiir

winkiyim bidi bidiniyar yim hiniina win boinkikim, ti nuin yio Biiyan Inkam Komiiyin siirgin mi digworaekwowim siir mi owim iriipi hiriinan siir. Mi krime ina ninokninkinim mi krime digworaekwo whiekakim simiirin wa naei.

²⁷Mi iikam nhirim yipiki Adi Komii siir yai aiir wakaeyokna ap karamae nwowiyim, sima kiiiram boinkii, simiir omaka hiriir namam nae simaka naeyam. Mi kima ti naeyim sima hauwi kimiir, simiirsiyin wi hiniina kipi naingwo, tiki naeyim inkamki bidi yamisi inkin imiiaeyim, iyie? Kima hindara wakaemumu ae. Mi kima hiriinan tiri mi kima wi iripa nwoki ongwomamair aeyim ²⁸Mi kima ti inkam inaka nidwowi mi siya kimiirin ha boini, tiki naeyim biiya iikamkim sim niki inkin imiiaeyim uruwai siyaowaini sima. Mi kima ti nae imiirin wi kipi nae wim wi inkamin kimiir nokmwim aeyin wi siir kwoin iir pi kinsis haiginiuwisi. ²⁹Kara siir kwoin iir boini, kimiir iir boin tani ti diminim siya niki boinmauui simiir kipi nae. Mi kima hiniina naingwowi, krime ti nae imiir nae karamae dimusi nwowi mi tari yi minsika, iki iikam nhirim yim Kraisiir yai imiir bi sibgu wakaeyokna apikim, aniya? ³⁰Mi kara nhwo Adi Komii siiram kwisboinkiyim mipa mi boin wadiekii. Dimusi rani, ti naeyim kara naeyanim simiirsika. Mi iikam sima hiniina dimusi boinkim kara siyu miyiknan bi tirkin ti dimin taeminim kara naeyim simiirin, ha?

³¹Mi kara kimiirin ta sairin pi hiniina boini, ti naeyim kima naeyim mi opa kima mi kwiaeya mi wraisu minim kima naeyim mi dimin taeminim kima mi tir ikim, kima simiir tiri mi ti iikamim yim Adi Komii siir inig iir hainanprapraskii. Dimusi rani, ti simiirsika. ³²Mi kima wi ti dimin hiriinan simiir kipi tir. Juda iikamim mi Juda iikam tani ikim mi iikamim Adi Komii siir isid nwowim wi simiir kiyopsibgi haiginiu rani, siyu biye tiramin. Niingaka. ³³Yim ti dimin taemin hiriinanim ti kara boinkiyim kimiir, yim kariir kwoinkar naingwo boinkikim. Kara ti dimin taeminim minam tirkikim iikamim simiir whinkinsis haiginiuwim. Kara ti diminim karamar bi tirkin, kariir swoki whinkinsis haiginiuwim. Kara ti dimin taeminim minam tirkin, iikamim simiir whinkinsis haiginiuwim. Mi simiirin wi Adi Komii siya nwoki anmaiwarkainam simiir dimin biyeyim simiir hirankin ti sima tirim. Iriig.

11 ¹Kima ti dimin taeminim kara tiriyim simiir kigna ap, ti kara mi kigna apiyim dimin taeminim Kraisiir siya mi tirim simiir sair hiriinan.

**Wigim simiir mwo imiir kaigrisu idwokaiiyim, Adi Komii
siir inig hainaniya omaka sair simiir boinka**

²Kara kimiirin dimusi bi hainanprapraskikin, kima ti dimin taeminim kara boinmauui inokinok simiir wakaeyokna tirkim. ³Kara ha

naingwowi kima ti yaiyim kara boinim simiir dinokninkin Jisis Krai
 siyairgin kamim simiir kougi kou nwowin mi kamim yim ini simiir
 wigim simiir kou ywowim mi Adi Komiiyin yio ini Jisis Krai siir kou
 ywowin. ⁴Mi ta hiriinan sairsika mi inkamin omaka Adi Komii siir inig
 hainaniya saair hiriir nami mi siya pagra siir mwo nwowa saair kibwaehai
 karamae nwowi mi siya Adi siir yaiya hiriinankakar boinimauuwi, yio
 ti hiriinan siyiuin yio Jisis Krai siir kiyopsibgi haiginiuwi. ⁵Mi wigim
 simiir mwowim dimin taemin nitimwaniu karamae nwowi mi sima Adi
 Komii siir yaiya ha boinimauuwi omaka siir inig hainaniya saair hir,
 yi ti hiriinan siyiuin yi saair kam iirar swoki kiyopsibgi haiginiuwi. Mi
 saeya hiriinan naingwo karamae nwowi mi saeya wi wiga yipikki saair
 kan aiir piiiyao iuguskiiya mi nididgak ha nwoyiya wi saair hiriinan
 nwowi. ⁶Mi wigim simiir mwowim dimin taemin nitimwaniu karamae
 nwowi mi saair kam saair kan aiir piiiyaokii mi yi ti hiriinan siyiuin
 yi saair nisiimauuwi hiniin, saeya siyu miyiknan bi napika. Niingaka.
 Yi wi hiriinan tir tani. Mi wigim dimin taemin simiir mwo imiir
 nitimwaniuwi, yim sima wi nididgak nwo rani. ⁷Mi kamim iya sima
 Adi Komii siir yai aiir boinimauuwiyim mi iya sima nhwo Adi Komii
 siiram mi kwisboiniyim, simiir mwowim dimin taemin kipi nitimwaniu.
 Dimusi rani, kamim yim Adi Komii siir kirieya mi siir dimin kirie komii
 komiiyim paenan niuyaeiyim mi digworaekwo whiekak ikim simiir
 sibgu kigirkakikim. Mi yim wigim. Niingaka. Yim sima simiir kamim
 simiir kirieya mi simiir dimin miyik miyikim paenan niuyaeiyim mi
 simiir inig komii ikim, yim simiir nisiimauuwi. ⁸Adi Komii siya Adam
 siir pua Iv saair pua saair hiranki bi haiga mi siya ha bi nonkwokwokin.
 Niingaka. Adi Komii siya Iv saair piu aiirin diminin Adam siir piu
 hiranki haiyin siir nonkwokwokin. ⁹Adi Komii siya Adam siirin Iv saair
 whindiriraeraram bi nonkwokwokin Adi Komii siya wiga Iv dapiya saair
 nonkwokwokin Adam siir whindiriraeraram. ¹⁰Mi ti hiriinanin yi ini mi
 owin wig sima mi itimwaniuwiyim dimin taemin simiir mwo imiir. Yi ti
 hiriinanin yio min nisiimauugin, wig imiirin ini kam imar kigirkakim.
 Mi simiirin ini simar kigriraonamim iya sima omaka Adi Komii siir
 inig hainaniya saair namiyim. Sima wi ti hiriinan dimin iir tir. Dimusi
 rani, Adi Komii siir paekwosimin ini simiirar kigin. ¹¹Wigim yim simiir
 kamim simiir aowar timi o. Mi nim krima iikamim yipiki Biyan Inkam
 Komii siirim, nim krima ini nwiruwar yowiskiyim. Mi irni nwirniyin
 ha timi inan whinkinsiis ankinsiis wadie sibgu nwowamin. ¹²Krime
 irni nwirni dinan whinkinsiishaiginiu, wadie sibgu owamin. Dimusi
 rani, bidi bidiniyarin, Adi Komii siya biigi biyan wiga saairin inkamin
 Adam nikiuwiyin siir piu hiranki haiyin diminin siir nonkwokwokin. Mi
 hirankar nitiyokiyokiiinaniyin mi ini tariinanar yadigniyin, wig sima kam
 krimiir asi naokinae. Mi ta hiriinan sairsika krime irni nwirniyam asi

naingwowi. Mi iikamim mi digworaekwowim ti nu iir nwowim yim Adi Komii siyar nonkwokwokim.

¹³Mi kima ti dimin imiir daingwoki mi simiir hidgi. Mi wigim dimin taeminim Adi Komii siiram kwisboinkii mi sima simiir mwowim dimin taemin nitimwaniu karamae nwowi mi ti hiriinanin yio wadiekin, iyie? Miiyik rani? Yio miiyik rani, ini biye ywowin. ¹⁴Mi krima tariinanin ta saiir ti naingwoki mi inkam nwirin siir kana priei nwowi wigmi kanim simiir hiriinan, siya wi nidid prasae kipi kin. Dimusi rani, ta saiirsika. ¹⁵Mi yim wigim yim ta saiirsiyin nididgak bi nwowikim. Dimusi rani, ta kan hiriinana simiirin Adi Komii siyar hauugin simiir mwo imiir higriniam. ¹⁶Mi iikamim ti hiriinan diminim simiirsi ninkinwaowarkii boinam naingwowi mi kara simiirin pi hiniina boini, aposel kam krima iikam imiirin wi dimin whir kigna apam kipi swoki kiwaki mi kara ti hiriinansi boinkikin. Iriig.

Mi om Korin hiran iikamim sima simar tirbunakim kumuniyin aiirsiyin

¹⁷Mi tariinanin kara iikam kimiirin pi haigin idwoki rani, ti diminin kara kimiir boinkiyin siirsi. Dimusi rani, ti dimin biyeyim, kima tiriyim yim ini dimin miiyik miiyikim kima tirim, iripa kima haingiriyu owiya Adi Komii siir inig iir hainanam, ini saiir haibura. ¹⁸Mi diminin biigi bii pi kara boinkii, yio hiniingin, kara iikam nhirim sima boina saiir wakaekin, kima Adi Komii siir inig iir hainanam namiyim, kima iripa bi sibgu owikim kima yapa yapae priyo priyo amikim. Mi kara ta yai aiir wakaekiyin mi kara simiir yai nhirim simiirin ini kaimwowar mi okiyin. ¹⁹Mi ya ini kaimwokikaimwowar ywowa. Mi kima wi kimiir iikam nhirim wi simiir yaayim wi simiir ninakrimkripkii mi ti iikamim yipiki ta yaimwokiayimwo aiir sibgu apiyim yim wi idowiya simbi nimbini. ²⁰Mi hiriinamki niuwi, kima iripa haingiriyu owi Adi Komii siir inig iir hainanam mi naeyim kima naei, yim Biiyan Inkam Komii siir nae rani. Niingaka. ²¹Mi kima nhirmiyam niki o karamae nwowi mi simiirin bii kima kimar hainami, kima kimar naeyamar mi hiriinanki niuwi ti iikamim yipiki mhoiia niti, yim wi mhiigar nini aoni. Mi tiriiginim yipiki bii namim naeyim yimbi kima kimar kwaeswonami mi kimiir mhiiyim pi digi digar nwowi mi kima op minim pa kwiyae nanaei mipa kwiyae whaowaenami. ²²Mi kima kimiir omaka hirar niki idwokai aenaniyim pa nopi, ha? Kima omakakairgim mi kima hirar pi yidwokai aeyin mi kima hiriinan tir tani. Niingaka. Kima omaka Adi Komi siir inig hainaniya saiir nitiyim mi kima pi Adi Komii siir isidin simiir iikamim pi simiir nanokou kao rani. Kima ha naingwowi, yim sima ini kimiir inkam biyenan ywowim mi dimin taeminim yimbi kima kimar kwaeswonami. Mi kima ti iikam paeprikab hiriinanim simiir kiyopsibgi haiginiuwi ti dimin hiriinanin kima tirkiyin. Mi kima paniina

naingwowi, kara kimiirin ti dimin imiirin wi paniina ti boin, ha? Mi kara kimiir ti hainanprapraski. Mi ti tari ti simiirsika, aniya? Niingaka.

²³Mi yaiya kara boinkiya kimiir ya kara Biyan Inkam Komii siir hiranki haiga. Ta yaiya ya hiniinga, Judas siya Biyan Inkam Komii Jisis siirin wir niyaka napwougin mi siirin kimidiniya sau omomin siir iin yonkwoki, taka niyaka Biyan Inkam Komii siya bret iir haiya saiir.

²⁴Mi siya ti bret iir haiyin mi ina boin wadiekinyin Adi Komii siir. Dimusi rani, siirin siya hauugin. Mi siya bretin ha niinibimbiirgiyin mi siya siir kigna miriiyim kamim simiirin hiniina boinki, tiki diminin yio kariir piu aiir nikrigin. Kara naowi, kara wi iikam kimiir whinkinsiis haiginiuwi mi mhoyiya kima wi ti kara tirin, wi hiriinanar niki tiriyyokiyoyiiyim. Mi ti tariinan kara tirin, kara min niisiimauugin, kima wi kariiram nwoki aingwokiyim, ti diminim kara tirim kimiir simiiram. ²⁵Bretin siya hauwin simiir saiir hiriinan. Mi siya wain op mobin ha mi haiyin mi siya boinki, ta wain opa ti mob iir nwomaiya ya min niisiimauuga, Adi Komii siir yai win kibiya yipiki siya boinmimauwa kimiir whinkinsiis haiginiuam, ya saiir niisiimauugin. Mi tariigina kara wi minsi tirbwakainaei kariir nhieya saeya naokiinaiini sairsika. ²⁶Mi mhoyiya kima ti bret iir naei mi ta wain opa mobnau tir nwomaiya saiir mi kwiyaei, ti siya tira saiir hiriinan, yio kima Kraisiir niisiimauuwi siya iikam krimiir whinkinsiisam naokin. Mi wi siyar swoki itbudgiyim.

²⁷Mi kimiir nhirim ti bret iir naeyim mi ta opa mob iir mi okaiya saiir mi kwiyaeiyim, yim min niisiimauugin dimin taeminim Biyan Inkam Komii ieya tirim simiir niisiimauugin. Mi kima ti dimin imiir naingwo omok karamae nwowi, kima tira saiir hiriinan mi Adi Komii siya wi ha boini, kima siyu miyiknan bi tirkim. Mi kima wi ta Kraisiir nhieya mi siir piu aka, wi sowiir kiyopsibgi haiginiuwi. ²⁸Mi iikamim simiir kwoinim sibgu daingwo omok mi ti dimin biyeyim yim dinangrirmiigi. Mi mhoyiya ti bretin sima naei mi ta opa sima mi kwiyaei, yo dimin komiiyin Biyan Inkam Komiiyin siya tirin siir niisiimauugin.

²⁹Dimusika? Mi inkamin ta yaiya Biyan Inkam Komiiyin siir piu aiir boina saiir yai mwo aiir ninokninkin karamae nwowi mi siya ti nae iirin ha naei mi ta op aiirin ha mi kwiyaei mi siya wi ha naingwowi, tiriiginin yio dimin bi nikrigin. Mi sima wi sima simar swoki igikiyaonaei Adi Komii siya simiir nonkwobumbunamin. ³⁰Mi ti hiriinan siyutin kimiir iikam nhirim makinii mi sima kirie karamae ha nwowi mi kimiir iikam nhirim sima wa naonami. Dimusi rani, sima kimakar ninkin aekim ti bret iirin mi kimakar mi inkin kwiyaeim ta opa ti mob iir nwomaiya saiirin. Mi kima bi niki aingwo omokikim ti dimin hiriinanin kima tirin saiir hiriinan. ³¹Mi kima Biyan Inkam Komii siir nae iir naeyam naingwowi mi biyin kima, kimiir kwoinin niki sibgu hidi mi Adi Komii siya kimiirin wi nonkwobumbuninkin tani. ³²Mi krimiir Biyan Inkam

Komiiyìn siya krimiir nonkwobumbuninkini siya minam naingwowi krìma krimiir dimin biyieyìm simiirin digiùmii haimriiyiugig. Adi Komii siya ti hiriinan minam tiri, krìma wi wadie nwoki owim mi mhoiia krìma wi ti iikamim yipiki ti nuan digworaekwowim simiir napiyìm wi simaka nao rani. ³³Mi ta hiriinan saiirsika ti kariir nomiiyauwìm kima iripa haingiriyu aei Biiyan Inkam Komii siir nae imiir, kima wi iki iikam nhirim simiiram tiki o sima nitam. Mi mhoiia kima ti nae iir naei mi kima wa nwoki aingwokiyim ti diminin biia siya tirin krimiir siiram. ³⁴Mi kimiir nhirkim mhiigi naowi mi kima biyìn naeyìm hapi kimiir omaka hira tiki aenani. Mi mhoiia kira iki nhir imaka wi haini wit mi iripa wi haini wini haingiriyu aeni, Biiyan Inkam Komii siir nae imiir naeyamin. Mi Adi Komii siya wi io nwo karamae hiriinanki nwowi mi Kimiirin wi nonkwobunbuninkin tani, wari dimin biyieyìm kima tirim simiirsiyìn. Kara boinkiyanim tariinan yim hiriinankim. Mi mhoiia kara niti kimiir kigam mi kara kimiirin digworaekwo nhirim kima niki sriigiyim kariiram yim wi haini nini boini. Iriig.

**Dimin kibi kibiyim Adi Komii siir naeyiu
ieya hauuwim krimiir simiir boini**

12 ¹Ti kariir nomiiyauwìm kara ti yai imiirin minam naingwo winkikin kima ti dimin taeminim Adi Komii siir naeyiu ieya hauuwim krimiir simiir sibgu inokninkinim. ²Kima ta saiir dinokninkinki, biia kima Adi Komii siir yai aair bi wakaeyoknakim. Kimiir kwoinim Setan siya kiyopiyaokiiyìm mi kima kimiir kwoin iirar napkim mi kima uruwai siyaowaini inig asi hainankim. Mi tiriiginin kimiirin wi yaimin dimin whir di swoki boini. ³Mi hiriinanki niuwi, kara ha naingwowi, kima dinokninkin, iikamim sima hiniina boini, Jisis siir ti kiyopsibgi haiginu! Mi Adi Komii siir naeyiun wi ti hiriinan iikam imaka nwo rani. Mi Adi Komii siir naeyiun iikamim simiir kwoin nau nwokai karamae nwowi mi sima wi hiriinan boin tani, Jisis Kraisi siya Biiyan Inkam Komiigin digworaekwo whiekak imiir kigirkakikin. Niingaka.

⁴Adi Komii siir naeyiun kirie komii komii kasa bi hauugin iikam imiirin. Mi ta kirie hiriinana Adi Komii siir naeyiun siya siyar hauu iski, yaeya inkam nwir karamaeka. ⁵Mi krìma wi digar nwowi miipai miipaiyìm Jisis Kraisi siir kwoin iirarar naingwo mirii. Mi ti inkamin yipiki krimiir kigirkakiyìn, siya siyairgin Adi Komii nwiruwan. ⁶Digworaekwo whiekakim Adi Komii siirim krìma tiriyim krìma siir kirie aiarar tiri. Mi Adi Komii siya siyairgin iikamim simiir kwoin imiir kiyaiiyìn ti digworaekwowim sima tirim simiirsi. ⁷Adi Komii siir naeyiun siir kirieya siya iikam whiekakim simiirin yapa yapar niisiisiimauwikin. Mi krìma simiirin hirii hiriinankina bi kigikim. Mi

krima simiirin minam tirkim, krima wi iki iikam nhirim Adi Komii siir piugana saiirim wi simiir nwoki whinkinsiis haiginiuwim. ⁸Adi Komii siya iikam nhirim yim sima dimin hauuwikim mi nhirim yim sima diminin. Adi Komii siir naeyiuin iikam kimiir kwoinin siyar kiyaii. Mi kimiirin siyar sibgu inokninkin haiginiuwi Adi Komii siir yai miyik miyikim simiir ninokninkinim. Adi Komii siir naeyiuin sasairgin iki iikam nhirim simiir kiyaii. Mi simiirin pi siyar mi iisimauwi Adi Komii siir dimin taemin imiirin. Mi sima Adi Komii siir yaimwokiyaimwo aiirin pi iki iikam nhirim sim nini boinmimauu iuwi. ⁹Adi Komii siir naeyiuin sasairgin iikam nhirmi kwoin kiyaii mi sima siir asi sibgu wakaeyoknaei. ¹⁰Mi siya siir kirieya iki iikam nhirim simiir warar mi hauu mi sima dimin taeminim wi ti hiriinan nwoki tirim. Mi iikam nhirim yim wi dimin kirie komii komiiyim biya inkamki tir karamae nwowim yim wi simiir mi tiri. Mi iikam nhirim yim wi dimin taeminim Adi Komii siirim yim wi simiir nanaakninkii haiginiuwi. Mi iikam nhirim yim wi dimin kibi kibiyim Adi Komii siir hiranki nitim mi dimin taeminim niksisaeyim uridyiu biyeni hindanki mi iti yim wi simiir mi boinmimauuwi krimiirin. Mi iikam nhirim yim wi yaeya yaigin kwir mi boini yaigina biya sima ninokninkin karamae nwowa sair. Mi iikam nhirim yim wi ta yaiya sair ninkpit boinmimauuwan inkam mi owi iki iikam nhirim sim. ¹¹Mi ti hiriinan diminpai diminpaiyim yim Adi Komii siir naeyiuin sasair hauuwi krimiirin. Siya siir kwoin iirar napikin mi simiirin pi siir kwoinkar mi prihidnonkwokwo hauugi iikam imiirin. Iriig.

Iikam whiekak krima Kraiis siir piua sair piu haimii haimiigim

¹²Krma ta saiirin ina ninokninkinim krimiir piua kwiruwaga mi saiir piu haimii haimiiyim kasa rani mi nim krma iikamim Kraiis siirim nim krma ini piunan ywowim. Krma kasa rani mi krma ini piu kwiruwar ywowiskiyim. ¹³Krimiir iikam nhirim yim Judami piugana saiirgim. Mi nhirim yim Grikmikim mi kimiir nhirim yim whisarii mi miriiyan iikamkim mi kimiir nhirim yim dimin whirki bi kinyiskaiigim. Mi nim krma ini nwiruwar ywowiskiyim iya Adi Komii siir naeyiuin ini haniin krimiir kwoinaw kwirii idwokaii. Mi krimiirin nwiruwa nwowamin wi siya ninkiamasu haiginiuwi. Adi Komii siir naeyiuin siya nikropkiyin siya ha nitin, siya kimidiniya ini haniin krimiir kwoin imiir yauuni kwirii idwokaini. Mi krimiirin iripa siyar yinkiamasu haiginiu nwiruwa nwowamin. ¹⁴Krma ina ninokninkinim krimiir piuum kwiruwa rani. Niingaka. Sima hoimgakaigim. ¹⁵Mi inkam nwiri iga ha boini, kara ina rani mi hiriinanki niuwi mi kara wi ti inkamin siir piu haimii nwo rani. Mi siir iga hiriinan boini, ya dimin komii rani, wi sair yai kipi wakae. Dimusi rani, ya ti inkamin siir piu haimiiga. ¹⁶Mi inkam nwirni wiina

ha boini, kara nhwona rani mi hiriinanki niuwi mi kara wi ti inkamin siir piu haimii nwo rani. Mi siir wiina hiriinan boini, ya dimin komii rani, wi sair yai aiir kipi wakae. Dimusi rani, ya saeya ini ti inkamin siir piu haimii ywowa. ¹⁷Kara pi hiniina boini, krimiir piu irkaka nhwona arar nonkwokwokiswo mi krma dimin taeminim wi paniina pi wakae omokin? Mi krimiir piu irkaka wiin arar nwokiswo mi krma dimin taeminim wi paniin paniina pi whakin? Nim wi dig di ywowi. ¹⁸Adi Komii siya krimiir piu aiirin piu haimii kwiruwar bi nonkwokwokikin. Niingaka. Siya krimiir piu haimii haimii imiir nonkwokwowin mi simiirin ini yapa yapa maeyaugakar ywowaiginiuwin, siyar naingwokiyein sair hiriinan. ¹⁹Mi krimiir piu saeya piu haimii kwiruwakiswo mi krimiir piu wi sibgu di yowi. Mi piugi piu ya wi papi pi yowin. ²⁰Krimiir piuim sima piu haimii haimii kwiruwara rani, simiir piu haimii haimiyeim kasa rani. Mi krimiir piuim ini kwiruwara ywowiskiyim.

²¹Mi inkam nwirin siir nhwonan siir ina aiirin wi hiniina boin tani, krma kiriiram naingwo rani, krma, krma krimar mi owi ini mi owim. Mi ti hiriinan siyeuin siir mwoin siir iga kwis owiirin wi hiniina boin tani, kara kowiiram naingwo rani kara, kanakanar mi owi ini mi owin. Niingaka. ²²Krimiir piu haimii haimii nhirim krma ha naingwowi, yim dimin komii rani. Mi krimiir piuim ti hiriinan piu haimii haimiyeim sima wara nwo karam nwowi mi krma wi kirie di ywowi. Niingaka. ²³Mi krimiir piu haimii nhirim nididgak krma nwowiyeim, krma simiirin inokinokin hiriyar hagiprakainanaeikim dimin taemini. ²⁴Mi krimiir piu haimii nhirim yim krma simiir bi haigiprakaiigim. Ti dimin hiriinanim yim Adi Komii siya nonkwokwokikim mi piu haimii haimii nhirim krma naingwowiyeim hiniin yim inigak rani, krma simiirin dimin miyik imiirar higriniuwikim. Mi krma simiirin ha naingwowi, yim ini krimiir piu haimii haimii nhirim simiir haiburim. ²⁵Adi Komii siya ti hiriinan misi nonkwokwokikin, krma, krimiir. Piu imiirin wi haimii haimii pi nwowisi mi sima wi kwirni kwirni nwoke aingwoyimyokim. ²⁶Mi krimiir igribin owinyaigi pikiiyeim mi siya urur prasae bi swoki kinkiikin piu kwirkaka pi warar ninkin kimpipisugi ta siya mi kimpipisugiya sair hiriinan yio ini krimiir isidin saikar yinkin owin. Mi inkam nwirki kimpipisuwu mi isid whirkakin yio wi warar mi inkin kimpipisu irkakii saikar. Mi ti hiriinan siyeuin, inkam nwirin siya maigimaigra nwowi mi nim krma wi maigimaigra saikar mi inkin owi.

²⁷Mi wim kima ti iikamim krimakar nwowim, nim krma ini Krai siir piu sair hiriinan ywowim. Krma irira nwaira ini siir piu haimii haimiinan ywowim. ²⁸Adi Komii siya siir iikam nhirim simiirin hiniina nimbingin, hiniina nwowam. Siya biyein kam krimiir nimbingin siir aposel inkam nwowam. Mi krimiir mhoiye siya kam nhirim simiir yimbin profet kam nwowam, yipiki Krai siir yai imiir ninomokninkin

haiginiuwiyim. Mi ti simiir mhoiia siya kam nhirim simiir yimbin, iikam nowomwarkaiyuwiyim Adi Komii siir yaimwokiyaaimwo aiir. Mi sima wi wadie nwoki owim mi wi Adi Komii siirgisiir siyiu iir nwoki sibgu apim. Mi siya nimbingiya simiir saiir mhoiyan, siya iikam nhirim simiir yimbin, dimin kirie komii komiiyim simiir tiram mi nhirim iikamim yipiki maki niyiyim simiir ninimniskii ikim mi nhirim iikam nhirim sim whindiriraerari ikim siyupai siyupaiyiyim sim mi nhirim iikam nhirim kigriraowi ikim mi nhirim yaigina biiya sima ninokninkin karamaeya saiir ninomokninkinan ikim. ²⁹Mi tariinanin wi paniina tiri? Mi kima hiriyar naingwowi ti kam whiekakim wi aposel kam kinar nwowi? Mi kima hiriyar mi aingwowi, ti kam whiekakim wi profet kam kinar nwowi? Mi kima hiriyar mi aingwowi, ti kam whiekakim wi iikam nowomwarkaiyuuan inkam kinar nwowi Adi Komii siir yai aiir? Mi kima hiriyar mi aingwowi iikam whiekakim wi dimin kirie komii komii kinar mi tiri? ³⁰Mi kima hiriyar naingwowi iikam whiekakim wi iikamim makak makakim wi simiirar ninimniskii swowi? Mi kima hiriyar naingwowi, krima whiekakim wi yaiginim biiya krima ninokninkin karamae nwowim wi simiirar ninomokninkin digi? Mi kima hiriyar naingwowi, krima whiekakim wi yaiyim biiya sima ninkpit boin karamae nwowim wi simiirar ninkpit boin digi? Niigaka. Adi Komii siya iikam krimiirin yapiyapi dimin hauugin irni nwirni ninan whinkinsiisim. ³¹Kara kimiir boinkii, kima ti dimin komii komiiyim Adi Komii siir naeyiu ieya hauuwim iikam krimiir simiir dinokninkinki. Mi tapa kara kimiirin pi dimin kibi whirin iki dimin nhirim simiir haiburin pi siir boinkii, Adi Komii siir naeyiu ieya hauuwim krimiir, kima wakaeyokna apam. Iriig.

Iikamim irni nwirniyam naingwowyim Krimiir yaiga

13 ¹Mi kara iikamim omom omomanim simiir yaigin imiir boini mi paekwosimi yaigin ikim mi kara nhirmiyam naingwokwo karam nwowi mi simiirin miyik sibgu tir karamae mi owi mi ti yai hiriinanim kara boinim yim wi naekak nwo rani. An wi inkamim ii whisarii priihain priihainiyin diminam hain karamae nwowyin an wi siir hiriinan nwowi. ²Mi Adi Komii siir naeyiun kirie kariir hauwi mi kara ti Adi Komii siir dimin iirin iikam imiirin wi hainingin boinmimauwi. Mi kara Adi Komii siir aowa aowan dimin taeminim simiir ninomokninkini mi kara ti dimin taeminim simiir yaimwokiyaaimwo imiir mi inokninkini mi kariir naingwo tibmiya kirie ha nwowi mi kara ti mhuu iir boinkii, siya hapi maeyau gwir namwoiuam, kira damki mi kara simiirin hiriinan boinkii namam mi kara iikam nhiram naingwokwo karam nwowi mi kara wi miyan inkam komii nwo rani. ³Mi kara inokninkin kariir umirim nae naeya sainanaei iikam paeprikabim simiiram mi Kraiis siir

yai win kibi aiir boinmimauwi mi inkam biyieyin krimiirin paeya ha nitoudnankaigii mi kara simiiram ha kiwakii mi krima paeki ha niuwaokaokii mi kara iikam nhirmiyam naingwokwo karam nwowi. Mi kariir mii kibiya ya wi naekak nwo rani mi sima wi kariir whinkinsiis rani. Niingaka.

⁴ Mi krima iikam nhirmiyam naingwokwonanaei mi krima simiiram in wi io nwoisisau rani. Mi krima iikam nhirmiyam naingwokwonanaei mi krima wi simiiram kigmair tani. Mi krima iikam nhirmiyam naingwokwonanaei mi krima wi krimiir inig imiirar hainanprapas rani. Mi krima wi ha mi boin tani, kouwin ini krimar ywowin mi krima wi krimamar naingwona rani. ⁵ Mi krima iikam nhirmiyam naingwokwonanaei mi krima simiirin wi siyiu miiyiki miiyik iirar tiri. Mi krima wi krimiir piu aairamar naingwona rani. Mi krima simiirin wi io aisiima niki osisau rani. Mi krima dimin biyie biyieyim iikam nhirkim tirbumbuninkin haiginiuwim krimiir wi simiir swoki aingwo rani. ⁶ Krima wi maingmairga nwo rani, nhirkim dimin biyie tiri. Mi sima krimiirin dimin miiyikni tiri mi krima wi maingmairga haini nwowi. ⁷ Mi dimin taemin biyieyim krimiir tiri, krima wi yaimin dimin nomboboin tani, nim wi yai mikrimar nwowi. Mi iinokiinokin krima wi dimin miiyikam ti aingwo, iki iikam nhirim simiiram. Krima wi nhami nhami kipi naingwo dimin miiyik miiyikim Adi Komii siya krimiir tiranim siiram in. Krima kirie hiriyar dwoyokiyokii mi hiki ti dimin biyie biyieyim krimiir nimbiniyim simiirar timi hai.

⁸ Mi ti kwoin hiriinanin iikam nhirmiyam krima naingwokwonanaeyin yio wi hiriyar nwoyokiyokiii. Mi mhoyiya ta ii aeya nimbini mi krima wi ii priei boimimauu rani, Adi Komii siir yai aiirin. Mi mhoyiya ta ii aeya nimbini mi krima wi ii priei boin tani iki yaigin nhir imiirin. Mi ti dimin taeminim ti krima naingwowim hiniin yim wi hiriyar namyokiyokiiyami, yim wa digii. ⁹ Mi tariinanin krima ti diminim simiirin sibgu aingwo rani, krima simiirin komii naingwo rani. Mi tariinanin krima ti Adi Komii siir dimin mwoki mwowim ini haini boinmimauunamim ti digworaekwowim mhoyiya nimbiamaninim. ¹⁰ Mi mhoyiya ti dimin taeminim digi dig nwowanin yim wi simbi nimbiaminim. Mi ti diminim ti hindara nwoisisaeyim, ti krima naingwowim hiniin, yim dimin kibiki kibikim, yim ti digworaekwowim yim wa digiuguski.

¹¹ Mi iiya kara yinisim sapisapar nwowa kara yinisim sapisapnan boinkin. Mi iinokiinokin kara boiniyim, kara pa ninokninkini diminpai diminpaiyim ti yinisim sapisapim diminpai diminpai ninokninkiniyim simiir hiriinan. Dimusi rani, kariir kwoinin yinisim praigakni kwoinan nwokin. Mi tariinanin kara inakamae komii bidi yasae okiyin. Mi ti kwoin hiriinanin yinisim praigananin kara siir wara nonkwo rani. Yio ti hiriinan kwoinin, yio bidi digiyin. ¹² Mi tariinanin krima Adi

Konii siir dimin taeminim hoimgak naingwo rani, ti iikamim yipiki simiir aknainim opnain iokaka sair nonkwo kigiyim simiir hiriinan, digworaekwo whiekakim whauuriyinan bi nwokim. Mi mhoyia krma Adi Komii saika nwowi mi krma wi haini sibgu inokninkini, diminin Adi Komii siya naingwowyin kougi kou nwowin ta Adi Komii siya ninokninkina iikam whiekak krimiir sair hiriinan. ¹³Mi ta ii aiirin, tiki siyiu whoimim yio wi hiriyyar niki okripkaii mi ti siyiuim yim hiniingim, krimiir naingwo tibmiiya ini Adi Komii siirgisiiramar naingwo hirirua. Mi krimiir kwoin komiyyin ini ta nimbina Adi Komii siya nimbina ini sairamar naingwo tibmii kiin iskiya mi krma ini Adi Komii siya mi iikam ikim, ini simiiramar naingwokwo iskiyim. Mi ti dimin komii komii whoimim yim wi digi rani mi whirin yipikin kougi kou nwowin yio minkin, iikam nhirmiyam naingwokwonanae. Iriig.

Mi dimin miyyik miyyikim yipiki Adi Komii siir naeyiu ieya hauuwim krimiir yim ini iki dimin taemin nhirim simiir haiburim

14 ¹Mi iikam kima biikibiiyin iikam nhirmiyam daingwokwo. Yio tiriiginin kougi kouwin ini siya ywowin. Mi kima Adi Komii siiramin diminamin wi hiriyyar nwoki naingwokwokripkaiyim kimiir hauuwam siir naeyiuin siir hirankin. Mi ta kirieya siya hauugiya ti diminim simiir boinmimauuam yim Adi Komii siya bidi yiisimauuim iikam imiir mi taka kirieya ini iki kirie nhirim simiir haibura. ²Mi ti iikamim yipiki yaiginpai yaiginpaiyim sim yayim sim boiniyim, yipiki sima ninokninkin karam nwowim, sima iki iikamim simiir whinkinsiis haiginiuwam bi tirkim yio Adi Komii siirgin ti sima boinin. Mi iikamim wi ninokninkin tani ti yayim sima boini, simiir yaimwokiyaimewowim Mi Adi Komii siir naeyiuin siya kirie ti iikam imiir hauuwi mi sima wi ti aowa aowan dimin taeminim iikamki ninokninkin karamae nwowim wi simiir boini. ³Mi ti iikamim yipiki Adi Komii siir yay aiir boinmimauuwiyim, sima iikam imiirin minam boini, kirie simiir hauuwim, simiir kwoin imiir kirie haiyiniuwam. Mi ta simiir yayia, iikam imiirin wi saeya kiprid haiginiuwi yipiki simiir kwoin imiirsi naingwoyimiyokiyim wadie sibgu owam. Mi ta hiriinan yayia wi simiir nwoki wokmaihaiginiuim. ⁴Mi iikam yipiki yaigina Adi Komii siir naeyiu ieya hauuwa simiir sair boini, sima wi dimin taeminim sima simar swoki kinsiisnaeyim wi simiir boini. Mi yipiki Adi Komii siir yay imiir boinmimauuwi iki iikamim simiir, sima wi iikamim Adi Komii siir piugana sairir wi simiir whinkinsiisi kirie simiir naingwo tibmiiya saeya nwowim.

⁵Kara ha naingwowi kima iki yay nhirim kima ninokninkin karamaeyim simiir boin mi kariir kwoinin ha naingwowi, kima whiekakim Adi Komii siir yay kibiya sairarar boinim. Ya tariigina

ya dimin kirieki kirie waiwiiya tirana, saeyairga. Mi ti iikamim simiir yayim yipiki Adi Komii siir yai aiir boinmimauum, yim ini ti iikamim yipiki yaigin kwirni yayim sima ninokninkin karam nwowim simiir boiniyim ini simiir haiburim. Mi inkamin yipiki ta yaiya saiir yaimwokiayaimwowa saiir sibgu inkpit boini kimiirin mi tiriiginim sima iripa kimaka haingiriyu owi mi taka yai hiriinana ya wi Adi Komii siir yaiya saiir hiriinan nwowi.

⁶Ti kariir nomiiyauim, mhoiia kara kimiiram niti, kimiir kignakiyam mi kara kimiirin yaigina yipiki Adi Komii siir naeyiu ieya hauuwa saiir nini boini kimiirin mi kara wi kimiir whinkinsiis haiginiu rani. Mi kara kimiirin dimin nhirim Adi Komii siya niisimauuwim karir, kimiir boinmimauuwi mi kara Adi Komii siir yaimwokiayaimwo nhir imiir mi isimauuwi, yim tiriiginim, yim nikrani kimiirin wi sima whinkinsiis haiginiuwi.

⁷Mi inkamin yipiki ii haini mi siya sibgu hain karamae nwowi mi iki iikam nhirim sima wi sibgu wakae sibgi rani. Niingaka. Mi iriipi hiriinan, inkamin irii sibgu tio karamae nwowiyin mi siya mwai wi sibgu wao rani mi iki iikam nhirim sima wi sibgu wakae sibgi rani. Mi ti dimin whiso yio wi miyiknan nwo rani, wi biyekiki biyie nwowi. ⁸Mi inkamin iiyin sibgu hain karamae nwowi mi iikamim sima wi paniina ninokninkini, sima yayiyam nami? Niingaka, sima wi ninokninkin tani. ⁹Mi ti hiriinan siyiu kaimwowin mi iikamim sima yaigin kwir boini, yipiki iikam nhirim simiir kiyopsibgi haiginiuwi. ¹⁰Mi ti nu iirin, hinda tindan yaiginim kasakasa rani, siir nwowim. Mi ti yaiginim yim yaimwokakinairgim. ¹¹Mi hiriinanki niuwi mi kara ti diminim inkam nwirki boinim kariir, kara wi ninokninkin tani. Mi siya wi ha naingwowi, kara om whiran inkamkin. Mi an kara wi ha mi aingwowi siya om whiran inkamkin. Mi krma wi iripa boin tani. ¹²Mi ya tariigina ya hiriinansika. Dimusi rani, kima minam naingwokim, kiriepai kiriepaiyim Adi Komii siir naeyiu ieya hauuwim miipai miipaiyim sim miriyyam. Mi hiriinanki niuwi, kimiir kwoin komiyyin wi ti kirieyim simiir haiyim daingwo siir hiranki miipai miipai imiir miriyyam. Mi hiriinanki niuwi, Adi Komii siir iikamim simiir kwoinim wi hiriinan saeya kirie haiginiuwi.

¹³Mi iikamim sima yaigin kwir boini, yaigina sima ninokninkin karamae nwowa saiir mi sima wi Adi Komii siiramar ti swoki srii kirie simiir hauuim. Mi sima ta yaiya saiir yaimwokiayaimwowa wa nwoki sibgu anaakninkii haiginiuim iki iikam nhirim simiir. ¹⁴Kara ha boini, siya wa tiri ta saiirin. Dimusi rani, kara Adi Komii siiram kwisboini mi siir inig iir hainanpraprasa, ta yaigina kara ninokninkin karamae nwowa yipiki Adi Komii siya hauuwa kariir, ya kariir kwoinbudin sasar

naingwo kwisboini mi kariir kwoinin yio ini hindira priiyakiiriririn.
 15 Mi hiriinanki niuwi, kara Biyan Inkam Komii siiram in wi kariir kwoinbud ieya kwisboinkii mi kariir kwoinin iriipi hiriinan. Mi mwai kariir kwoinbud ieya mi waowi mi kariir kwoinin iriipi hiriinan, yio wa mi waowi. 16 Mi kira nhwo kwisboini Adi Komii siiram mi siir inig iir mi hainanpraprasa iki yaigin nhirim ti iikam ima ninokninkin karamae nwowim simiir mi sima wi paniina ninokninkini ta kira boina saeya wadieki niuwi mi sima kiriirin wa nwoki boinim hiniin, tariigina ya yai mwoki yaimwo aeyairga. Mi kira yaigin kwirniyin wi hiriinanar boini, ha? Mi siya ta yaiya kira boina saiiir yaimwokiyaaimwowa wi ninokninkin tani. Niingaka. 17 Mi kira hiriinan tiri mi kira Adi Komii siir inigin hiriiyar sibgu hainani mi ta kiriir yaiya iki iikam nhir imiirin wi paniina whinkinsiis haiginiuwi?

18 Kara Adi Komii siirin minsi boin wadieki, kara iki yaiginpai yaiginpaiyim sim boinikin. Mi ti yaiginim kara boiniyim kima ninokninkin karamae nwowiyim simiirin yi kara bidi haiburin. 19 Mi kara iikam nhirim Adi Komii siir piugana saiiir simaka nidwowi mi krima iripa ha haingiriyiu owi Adi Komii siir inig hainanam mi kara biyin ha niki aingwowi, kara diminin priei kipi boin yaigina krima ninokninkina saiiirin mi ya tariigina wi simiir nwoki whinkinsiis haiginiuwim wadie sima sibgu owam. Kara simiirin wi dimin whiekak boinmimauu rani, yaigina sima ninokninkin karamae nwowa saiiirin. Mi tiki yaiyim yim wi simiir whinkinsiis haiginiu rani.

20 Ti kariir nomiiyauim, diminim kima naingwowyim, kima yinisim praigakni kwoinan kipi naingwo. Kima inikamaeni kwoinan dwo. Mi dimin taemin biyeyim iikamkim sim napiyim simiir warar dinkin aingwoyokiyokiigi, kima simiirin digiumii haimriiyugig. Mi ti hiriinan siyiun siirin hindara daingwo owouu iuguski, yinisimin iniiyibar niki owiyin siir hiriinan. Mi dimin miyik miyikim yipiki kima naingwowyim, yim ini inikamaeki sibgu aingwo omokiyim kwoin miyikin ini simiir hiriinan ywowim. 21 Mi Adi Komii siir yaiya Yokwo Komii hir nwowa biya profet Aisaiaki si winkiya, ya iikamim yaigin kwir boiniyim simiirin hiniina boinkikin,

kara, Biyan Inkam Komiigin, kara pi ti iikamim yipiki Isrel simiir nuin siir hiranim simiirin pi yaeya yaigin boini, iikamim yipiki om whiranim sima simiir boinam. Mi yaigina kara simiir hauuwi mi sima wi kariir yai imiir boinmimauuwi. Mi kariir iikamim sima wi kariiram naingwo tibmii kiin tani. Niingaka. 22 Mi hiriinanki niuwi, ti yaiginim yipiki Adi Komii siir naeyiu ieya hauugiyim kimiir, sima iikam hauugiyim kimiir, sima iikam kimiir whinkinsiis haiginiuwi, yipiki Adi Komii siir yai aiiram naingwo tibmii karamae nwowim mi sima wi saiiir

wakaeyam nwoki aingwowim. Ya wi tiriiginim yipiki Jisis Kraisiiram naingwo tibmiiyim wi simiir wara whinkinsiis haiginiu rani. Mi wi ti iikamim yipiki Jisis Kraisiiram naingwo tibmii kiin karamae nwowim wi simiirarar hauwi. Mi yim tiriiginim yim sima ini hiriyyar naingwowim Adi Komii siya kaimwokikaimwowaargin. Mi Adi Komii siir naeyiuin siya inkami kwoin hiurworwokaii, dimin taeminim sima niisiimauuwim simiir boinmimauuwam, yipiki Jisis Kraisiiram naingwo tibmiiyim simiir whinkinsiis haiginiuwankim. Mi hiriinanki niuwi mi wi simiir kwoin imiir nwoki whinkinsiis haiginiuwim siiraramar nanaokoukaowim.

²³ Mi Adi Komii siir iikamim sima iripa haingiriyiu owi mi sima yaigina sima ninokninkin karamae nwowa saiir boini mi iikam nhirim yipiki ta yai aiir wakae ninokninkin karamae nwowi mi iikam nhirim yipiki Kraisiiram naingwo tibmii karamae nwowi mi sima ha napninopkainaniyim mi sima wi ha boini, ti iikamim sima pi whaowaei. ²⁴ Mi omkakim Adi Komii siir yai aiirarar boinmimauuwim, yaigina sima ninokninkina saiir mi iikam nhirim yipiki Kraisiiram naingwo tibmii karamae nwowi ini haniin simiir kwirii idwokaiyim mi ti yayim simiir mi wakae karamae mi owi mi siya wi ha naingwowi, siya dimin miyiknan bi tirkin. Mi ta hiriinan yayia siir kwoinin wi saeya hiugrimkripi. ²⁵ Mi ti yayim siir kwoinawu hir nwokaiyim yim siya bi niki inokninkinwaokin mi mhoyia sima wi idowiiyar nwowiguski. Mi siya niti, siya ogmwo wa nini hiuni mi siya wi Adi Komii siir inig iir hainani mi siya wi ha boini, tariigina ya kaimwoki kaimwoka, Adi Komii siya ini simaka nwowin. friig.

Sima iripar haingiriyiu o Adi Komii siir inig iir sibgu hainanam

²⁶ Iikamim yipiki kanaka ninkin apninopkai miriyyim Kraisiiram siir mii aiir, kima wakae! Mi iya kima iripa haingiriyiu hainani Adi Komii siir inig iir mi kima wi hiniina tir. Nwirin yio wi mwai dokwo wao mi nwirin yio Adi Komii siir mii imiir dowomwarkaiyyiu mi nwirin yio wi yayia Adi Komii siya niisiimauuwa siir, yio wi saiir boinmimauu mi nwirin yio wi yaigina kima ninokninkin karamae nwowiya wi saiir boin mi nwirin yio wi yayia saiir ti swoki inkpit boinki kimiir mi kima whiekakarim wi hiniina tir. Mi kima wi iikamim yipiki hapaiir nwowim wi simiir kwoin imiirsi daingwoyimyok mi kima ta saiirin hiriinanar tiri mi Adi Komii siir iikamim simiir naingwo tibmiiya wi kirie hiriinan saiirsi nwowi. ²⁷ Mi sima yaigin kwira kima ninokninkin karamaeya saiir boini mi saiirin nwiski mi boini mi nwoimgi mi boini ini mi owin, sima simar timi boin. Mi wim kima whiekakim simiirin wara boinam kipi naingwo. Niingaka. Biyyin inkam nwirki tiki boin

mi nwirin yio mhooi timi boin. Mi siya saiir boini mi ta yai aiirin wi nwrki ninkpit boinkii kimiiramin. ²⁸Mi hapaiirin inkamki ta yai aiir ninkpit boinan inkam karamki niuwi mi inkamin yipiki yaigina kima ninokninkin karamaeya saiir boinin siya kimaka ninkin idwokaii mi siya wi ti yaiyim simiir kipi swoki boinmimin, siya hinda yaimikrimar didwo. Mi mhooiya siya wi sasar boin Adi Komii saikan. ²⁹Mi yaiya Adi Komii siya niisiimauwa simiir, ya nwis mi nwoimuwakar timi boin saiirin. Mi iki iikam nhirim yipiki hir nwowim, yim ta yai aiiram maugi mi saiir hidgi, tari ta yaiya saiir yai mwoki yaimwowim ini Adi Komii siir yasi hirirua, iyie? Siir tani. ³⁰Mi nwirin yio wi hindara boin mi Adi Komii siya ti yai imiirin wi inkam nwirni niisiimauwi. Mi siya wa ninsiin okwokii ti yai imiir ninkpit boinkiyam mi inkamin bii boinin yio wi hindara didwo tani. ³¹Mi hiriinan tiri mi kima Adi Komii siir yaiya wi nwinwira nwinwira dokwo boin. Mi ta hiriinan saiirsika mi kima whiekakarim wi nwoki inokninkinim Adi Komii siir yai aiirin mi kimiir naingwo tibmiiya wi kirie nwoki owim. ³²Mi ti iikamim yipiki ti dimin taeminim Adi Komii siir naeyiu ieya priihauuwim simiir haii, Adi Komii siir yai aiir boinmimauuwim mi sima simiir kwoinim mi simiir yaiyim simiirin sibgu kigrirao. ³³Dimusika? Adi Komii siya dimin taeminim iripa bi nitapiyokin. Niingaka. Adi Komii siya ha naingwowi, kima iripa haingiriyu owim, siir inig iir hainanam mi kwoin miyik haiyam mi sibgu idwowim mi kwoin hiinsima nwowim mi kwoin whirkiwhiruwa nwowim. ³⁴Mi tiki wig hiriinanim sima iripa kimaka haingiriyu owi Adi Komii siir inig iir hainanam, yim sima hinda yai mikrimar dwo. Mi nim krima pi simiir kigninkin boin tani iki iikam nhirim simiirin naingwo tibmii kiiniyim simiirin. Mi ti diminin siir boini, siyu komiiyin Adi Komii siir yokwo aiir nwowin yio hiniina boinkin, wigim bii sima nidwokaii, sima wi inkamim inig komiigakim wi simiir hiriinan kipi nwo. ³⁵Mi sima dimin ninokninkinam tiri mi sima wi simiir omaka hirir dam mi simiir kam imiirin wi hir tini sriiyu ti diminin Adi Komii siir yai aeya boina saiir yaimwokiayimwowa. Ya hiriinan siyuin siyu miyik rani, iya kima Adi Komii siir inig hainaniyim siir omaka aiir mi wigim saiirar kipi boin.

³⁶Mi kima kariir yai aiir wakae karamae dimusi nwowi, ti kara boinkiyim wigmi mi wim kima simiirin kimidiniya yaeya yai boin? Mi kima hiriyar naingwowi, Adi Komii siir yaiya biyin kimiiram arar nitka, aniya? Niingaka. Mi iikamim Adi Komii siir yai aiir ninokninkinim ini kima kimar ywowiskiyim, aniya? Niingaka. ³⁷Mi kimiir nwirin ha naingwowi, siirin yai Adi Komii siya hauugin mi siya ha mi aingwowi Adi Komii siir naeyuin siya siyar naingwo hauugin kiriepai kiriepaiyim siirin mi siya wa dinokninkinki, ta yaiya kara winkiya kimiiram kimiirin Adi Komii siya nimbingikin ta yai aiir wakaeyoknam. ³⁸Mi ti hiriinan

inkamin ta yai aiir nikwowaisii mi wim kima iriipi hiriinan, wi siir timi ikwowaisii.

³⁹Mi hiriinanki niuwi mi ti kariir nomiiyauim kima ti dimin taeminim Adi Komii siya niisiimauuwi kima boinmimauuwam, wi simiir simiirar daingwokwonanae mi ti kamim yipiki wi yaigina kima ninokninkin karamae nwowa saair boini mi kima simiirin wi igbid kamiyau kipi hai. ⁴⁰Mi kima Adi Komii siir inig iir hainani mi iki dimin taeminim simiirin sibgu sibgu tir mi sibgu sibgu kiiriimdiyu haigin. Mi iikam whiekakim diriirar kipi boinswo. Niingaka. Iriig.

Pol siya Krai siya naonama mi siya swoki insiin idwowa saair boinkin

15 ¹Mi tariinanin ti kariir nomiiyauim, kara minan naingwowi, kima ta yai win kibiya yipiki biigi bii kara boinmauwa Jisis Krai siira, saair daingwowarkaigi. Kima ti yai imiir wakaeyim mi kimiir kwoinim ini kiriyar ywokiyeim. ²Hi, ini ywokiya ta yai win kibiya kara kimiir niki boina mi kima sairin hiriirar nonkworinukripkaii mi kimiirim wi saeyar nanmaiwarkainaei. Mi hiriinan karamaeki niuwi mi kima wi hindara priinaingwo tibmii kiini.

³Mi yaiya kara Jisis Krai siir hiranki kara haiya ya kara bidi boinmimauuwa kimiir. Taka yaiya ya yai whoimoni rani. Mi ta yaiya ya hiniina boinka, Jisis Krai siya krimiir dimin biyeyim simiirsi naokin, ta sima winboinkiya biya Adi Komii siir yokwo aiir saair hiriinan.

⁴Mi siya ha naonamin mi sima siirin kimidiniya ienau haingikaigi mi ii kwoimaka siirin Adi Komii siya swoki hidninsiin idwoki. Yim sima biya ta Adi Komii siir yokwo aiirin ti hiriinan dimin kaimwo imiirar mi winboinkikim. ⁵Mi iya Adi Komii siya Jisis Krai siir hidninsiin idwowa mi siya biyin Pita siir hiriir yimbiam mi mhoyiya siya siir aposel kam iur nwisio simiir hiriir yimbiam. Mi sima siirin warar bidi mi kigiyim.

⁶Mi mhoyiya, siya iikam whiekakim naingwo tibmii kiiniyem simiir hiriirin idowiyar yimbiam mi sima ini siirar mi kigim. Mi ti iikamim yipiki siiram naingwo tibmii kiinim mi siir siyu iir napim, 500 bidi haiburim. Mi ti iikamim simiir nhirim yim ina niki owim mi nhirim yim bidi yaokaowim. ⁷Mi mhoyiya siya Jems siir hiriir yimbiam mi siya siirin bidiyar mi kigiyin. Mi siya siir aposel kamim simiir hiriirin ha mi imbiyamim mi sima siirin bidiyar mi kigim.

⁸Mi mhoigi mhoyiyin siya ha nitin, kimidiniya kariir tiriir yimbini. Mi kara siirin bidiyar mi kigiyin, yinisimin siir yopiya siirin siyumwoni naokaina karam nwowiyin siir hiriinan. ⁹Dimusi rani, kara ini aowa ywowin kara inigak bi nwokin. Mi an kara ini ti Jisis Krai siir aposel kamim simiir aowa ywowin. Dimusi rani, biya Adi Komii siir iikamim hinda tinda nwowim simiirin kara tirbugim. Mi kara tariinanin ti hiriinan kwoin asi naingwowi. Kara inkam paigipaii rani, Jisis Krai

siir aposel inkam nwowamin. ¹⁰Mi dimusi rani, kariirin Adi Komii siir naingwobumbuwa, saeyar nitmaisok okwokin mi kariirin saeyar kinsiis haiginiugin. Mi tariinanin kara ini Jisis Kraiis siir aposel inkam nwowin. Kariirin kwoin miyikin Adi Komii siya hauugin mi siya whisarii bi nwokiyamkin. Niingaka. Kara mii komiia siya hauuwa saiirar miriyyin mi ta miia kara miriia ini iki iikam nhirmi miyim simiir haibura. Kara ta miia kana kanar bi miriigin. Niingaka. Adi Komii siir naingwobumbuwa saeya kanakar nwoka. Mi taka ii aiirin, ta naingwobumbuwa ti mii imiirin sasar mirii iskika. ¹¹Mi ti diminin yio dimin Komii rani. Dimusi rani, krima whiekakin kimiirin ta Adi Komii siir yai kibi aiirarar mi boinmimaugim. Mi ta yaiya saeyairga kima naingwo tibmii kiina. friig.

Iikamim naokaowim wa swoki insiin idwodwowi

¹²Mi ta yaiya krima boinmimauuwa saiir yaimwokiayimwowa ya hiniinga. Iya Jisis Kraiis siya naonama, siirin Adi Komii siyar swoki hidninsiin idwo. Mi hiriinanki niuwi mi kimiir nhirim hiriinan dimusi boinkim, iikamim yipiki naokaowim sima wi swoki insiin idwo rani. Mi sima ti hiriinan boinim, sima ini habwowhaenan ywowim mi sima ti hiriinan yai biye asi boinkim. ¹³Mi simiir yaiya kaimwokiswo mi ta Jisis Kraiis siya naonama Adi Komii siya siirin wi di swoki hidninsiin idwowi. ¹⁴Mi ta Jisis Kraiis siya naonama mi Adi Komii siya siirin hidninsiin idwo karamkiswo mi ta Adi Komii siir yaiya ta inokiinok krima boinmimauuwiya saeya wi naekak di ywowi. Mi hiriinankiswo mi kimiir naingwo tibmiiya Adi Komii siir yai aiiram nwowa ya wi naekak di ywowi. ¹⁵Mi ti iikamim simiir yayim sima yai kaimwokiswo mi ta yaiya iikam imiir krima boinmimauuwa Adi Komii siir mii imiir, yim wi pi yikisaeyin. Dimusi rani, nim krima iikam imiirin min nowomwarkaiyugin, ta Jisis Kraiis siya naonama mi siirin Adi Komii siya swoki hidninsiin idwowa saiir. Mi simiir yaiya saeya yai kaimwokiswo mi Adi Komii siya ti iikamim naokaowim simiirin wi hidninsiin idwo rani, omwai hiriyyar waiyayokiyokiyamin. Niingaka. ¹⁶Mi Adi Komii siya ti iikamim naokaowim simiir hidninsiin idwo karam nwowi mi wi iriipi hiriinanar pi mi tirin, siya Jisis Kraiis siirin wi di mi hidninsiin idwowi, iia siya naonama. ¹⁷Mi Adi Komii siya Jisis Kraiis siirin hidninsiin idwo karam nwokiswo ta siya naonama mi ta kimiir naingwo tibmiiya Adi Komii siya namaiwarkaina kimiir ya wi dimin komii di ywowi. Mi hiriinan nwokiswo mi wim kima wi iikam miyiknan di ywowi Adi Komii siir whwonkam idan. ¹⁸Mi ta yaiya ti iikamim sima boina saeya kaimwo nwokiswo mi Adi Komii siya iki iikamim naokaowim simiirin wi hidninsiin idwo rani. Mi mhoiia ti iikamim naokaowim, yipiki Jisis Kraiis siiram naingwo tibmii kinim, sima wi omwai Adi Komii saika

waiyayokiyokii rani, sima wi hiriayar nonkwobumbuninkin iuguskii. ¹⁹Krima Kraisiiram daingwo tibmii kiin mi siiram dwokwokin. Mi krima siiram in ti iiyim ti tariinan krima nwowim ti nu iir, simiiramar nwokwokini siiram in, krimiir whinkinsiis haiginiuwam mi krima wi iikam miyiknan nwo rani, nim wi siyu biyieki biyieyin si nwowi. Mi mhoyiya krima naowi mi krimiir naingwo tibmiya Jisis Kraisiiram naingwo tibmii kiina, ya wi krimiir whinkinsiis haiginiu rani. Mi mhoyiya iki iikam nhirim krimiirsiyin wi naingwoyimyok prasae di kini. Mi sima krimiirin wi hiniina pi boinin, krimiir kwoinin yio ini biyie ywowin.

²⁰Mi sima wi hiriinan di boini. Dimusi rani, Adi Komii siya mhoyiya wi krimiirar mi whinkinsiisi. Adi Komii siya Jisis Kraisiya naonama mi siya siirin bidiyar swoki hidninsiin idwowin. Ya ta yaiya ya yai kaimwowaiga. Mi dimusi rani, Adi Komii siya hiriinanar tirkin. Mi krima ta saiirin ina ninokninkinim, siya ti iikamim naokaowim simiirin wa mi hidninsiin idwowi. ²¹Mi tariinanin, dimusi rani, ti inkam nwiruwana Adam siir dimin biyieya saiirsika, iikam, whiekakim wi asi naokaoyokiyokiii. Mi yio ti inkam nwirin Jisis Kraisin, yio dimusi rani, yio siir mii aiirsika mi ti iikamim naokaowim, simiirin wi Adi Komii siyar swoki hidninsiin idwowi. ²²Mi iikamim Adam siir yinie nwowim, nim krima iriipi hiriinan nim krima wa mi aowi, krima wi ii priei nwo rani. Mi ti hiriinan siyiuin, iikamim yipiki Jisis Kraisiir piugana saiirim yipiki wi mhoyiya naowi, Adi Komii siya krimiirin wi yaripar swoki hidninsiin idwodwoswoki iripa saika sibgu oyokiyokiikaeyamam. ²³Mi siya krimiirin wa swoki hidninsiin idwowi iya siir kwoinkar naingwowi krimiiram saiir. Jisis Kraisiya biyirin krimiir dimin biyie imiirsi naowin mi siirin Adi Komii siyar swoki hidninsiin idwo. Mi mhoyiya Jisis Kraisiya swoki iti mi krimiirin wi Adi Komii siya swoki hidninsiin idwowi, yipiki, Jisis Kraisiir piugana saiirim.

²⁴Mi iya Kraisi Jisis siya swoki iti mi ti dimin taeminim yim wa digii mi digworaekwowim ti nuin siir kigirkakiyim simiir kirieyim yim wi siyar digiguski. Mi kamim bii nwowiyim mi gavmani inkam ikim, yipiki siir mii inaka nantamyiriyirim mi Setan ni isidin yio iriipi hiriinan. Mi Jisis Kraisiya siir iikam imiirin mi digworaekwo ikim, yim siir Adin, Adi Komii siir hauugii mi yio siya wi inkam komiinan namidwokaiyiwi simiir kigirkakamin. ²⁵Mi simiirin wi Jisis Kraisiyar kigirkaki mi wi ta iya siya siir sau omom iir hainururgi, wi saiirar nadigiwi mi siya simiirin wi hiriayar nonkworinu kripkai siir whinkwo paekwoni. ²⁶Mi dimininim mhoyigimhoii siya tirbugii, yio krimiir naoni siyu ieya mi yio ti diminin yio wi hiriayar digiguski. ²⁷Dimusika? Adi Komii siir Yokwowa ti dimin iirin hiniina boinka, Adi Komii siya digworaekwo whiekakim Jisis Kraisiir inarar bidi yonkwo digim. Mi ta yaiya ya ha boinka, ti

digworaekwowim yim ini Jisis Kraisi siir whinkwo paekwoni aowa arar nwowim. Mi dimusi rani, Adi Komii siya digworaekwowim Jisis Kraisi siir whinkwo paekwoni aowa kinar ywowim. Mi ta hiriinan sairsika, Adi Komii siya wi Jisis Kraisi siir whinkwo paekwoni nwo rani. Niingaka. ²⁸ Mi Adi Komii siya ti digworaekwowim Jisis Kraisi siir whinkwo paekwoni aowa kina nwodigi mi yio siyarin Adi Komii siir yinisinim simiirin wi siyar kigirkaki. Mi yio Jisis Kraisi siyarin wi siir Adin siir whinkwo paekwoni nwowi. Mi digworaekwo whiekakim simiirin wi Adi Komii sasar kigirkak swowi.

²⁹ Mi yim ti iikamim yipiki ha boinim, Adi Komii siya iikamim naokaowim simiirin wi swoki hidninsiin idwo rani mi sima wi piki hiniin siyiun op siirsi baptais haiginiuwu, iki iikamim naokao imiirin? Mi simiir yaiya saeya kaimwo nwokiswo mi Adi Komii siya wi iikamim naokaowim simiirin wi hidninsiin idwo rani. Mi sima iikamim naokaowim simiirin wi op paniina baptais haiginiuwu iikamim naokaowim mi wi piki hiniin dimin kibiyin si nimbiyami, ti dimin iirsiyin, ha? ³⁰ Mi simiir yayim sima yai kaimwo nwokiswo mi krima Jisis Kraisi siir iikamim simiirin wi hirii hirii dimuam boininaei ta Adi Komii siya simiir hidninsiin idwowa Jisis Kraisi siir hidninsiin idwowa sair hiriinan sair. Mi iikamim yipiki naokaowim, sima swoki insiin idwo karamae nwowi mi nim krima wi Adi Komii siir mii air mirii rani mi wi iki iikamim yipiki krimiir nisomaowam tirim wi simiiram nam tani. Niingaka. ³¹ Ti kariir nomiyauim, iikamim inokiniinokin kariir nisomaowam tiri. Dimusi rani, wim kima ini Biyan Inkam Komiiyin Jisis Kraisi ini siir piugan air nwowim. Yio ti diminin, yio kariir kwoinin maigimaigra, siya nwowiyin yio siir dimin mwokimwo ieya mi ta hiriinan sairsika, kara ta yaiya kimiir asi boinkika. ³² Mi kara nuan inkamim simiir kwoin ara nwokiswo mi an kara wi iki mwanhu mi wra minim om Efesas hiranim simaka bidi pimi intiowin. Mi kara wi piki hiniin dimin kibiyin siir ti haii siir hirankin, ha? Mi kaimwoki niuwu, ta yaiya iikamim naokaowim yim wi swoki insiin idwo rani. Mi krima iikam nhirim simiirin wi hiriinanar kigninkin boinkii, daingwo, owouugi mi mhoyiya krima naemin naei mi opmin kwiyaei mi krima ha naonami mi nim wi hindara nwoki digiguskuyim. Mi ti hiriinan boiniyim sima, sima yai miyikni boin tani, nim krima ina ninokninkinim. Krima ti sima tira, sair hiriinan kipi tir.

³³ Ti yayim simiir wakaeki, iikamim yipiki kwoin bibiyie naingwowim wi sima kiyipsibgi haiginiuwu iki iikamim yipiki simaka napriririm simiir kwoin imiirin. Yim tiki yayim yim yaimwo imairgim. Wim wi nhirkim pi kiyipsibgi haiginiuwusi kima sibgu daingwo mi simaka kipi napririr. ³⁴ Wim kima kipiinan bi nwokim mi kwoin miyik bi naingwokim mi kima wari dimin biyeyim kima tirim simiirin digiumii haimriiyugig. Mi kimiir nhirim yipiki Adi Komii siir yai air ninokninkin karamae

nwowim simiirin kara pi ti hiniina boini mi kima wi nididkakar nwowi. friig.

**Mi iikamim naokaowim sima swoki insiin
idwodwowi simiir piuim yim wi sima nwowi**

³⁵ Mi kam nhirim yim wi hiniina boini, ta yaiya iikamim naokaowim simiir boina sima swoki insiin idwodwowam, ya yai paii rani. Mi iikamim naokaowim sima wi paniina swoki insiin idwodwowi? Mi sima wi paka hiniin piua sae haii? ³⁶ Mi sima hiriinan boini mi an kara wi hiniina boini, kima inkam paii rani, wakae! Mi kira dimin whirni nid hangikakai mi siya wi aisiima niki whaksisauu rani. Mi mhoyiya siya ha kinanpiyiknaiinii mi wa mwriinanainami. Mi kima dimin nidin opkak nwowiyin siir hangikakai mi siya wi swoki whak rani mi wi mi mwriinanainam tani. Mi iikamim yipiki naokaowim sima wa swoki insiin idwowi, ti dimin nidin waibrosin kima hangikaigiyin mi ha whaknanaiiniyin siir hiriinan. ³⁷ Mi diminin kira hangikaigiyin siir nidin nid komii rani. Kira nhwo iir bi ninkinkin. Niingaka. Mi iiya kira nid iir ha ngikakaiyim mi mhoyiya pi nhwo ieya whaknanaiinii. ³⁸ Paenid nhirin yio si piua pi sai mi owi mi nhirin siyin yipi sai mi owi. Mi Adi Komii siya hinda siir kwoin ara naingwokiyin mi ti diminpai diminpaiyim simiir nhwoim ina yimbimbiiyamim.

³⁹ Mi diminpai diminpaiyim sima piu kwiruwa bi nwokim simiir piuim ini kipa kipa ywowim. Inkamim yim sima piu mi nuan wraisuim yim sima piu mi ipiyinim yim sima piu mi anasuim yim sima piu.

⁴⁰ Mi ti diminpai diminpaiyim yipiki ninomor kou hir nwowim, yim simiir piuim yim ini sima mi owim. Mi tiriiginim yipiki ninomor kou hir nwowim, simiir dimin kirie kibi kibiyim paenan niyuaeyim yim ini sima ywowim. Mi tiriiginim yipiki ti nu iir nwowiyim yim simiir dimin kirie kibi kibiyim paenan niyuaeyim yim ini sima mi owim. ⁴¹ Mi yio bieni dimin kibiyin paenan niyuaeyin yio ini sai mi owin mi bwani dimin kibiyin paenan niyuaeyin yio ini sai mi owin mi nauun whiekakim yim iriipi hiriinan, sima whiekakar in iripa bi mi okim nhirim simiir kirieya paenan niyuaeyia ini nhirim simiir imiir haiburim.

⁴² Mi iiya Adi Komii siya iikamim naokaowim simiir hidninsiin idwowi, simiir kwoinbudin omwai hiriayar waiyayokiyokiyam, yim wi ti hiriinan nwowi. Krimiir piuim ini ti dimin nidim krima haigiiyim numir ini simiir hiriinan ywowim. Mi iiya iikam ima naowiyim mi krima simiir piuis biyeyim pi iriipi hiriinan ieyar mi ha ngikaigii. Mi ti piuim sima bi kimiminkiikim pa whiigi sasauwi mi ti piuim Adi Komii siya hidninsiin idwowi mhoyiya sima wi swoki whii rani. Niingaka. ⁴³ Mi ti piuim ti ienau krima ha ngikaigiiyim, yim miyik rani. Mi ti piuim Adi Komii siya hidninsiin idwowanim, wi sima nwowi piu wadieki

wadieyin. Mi piuum tiki krima haingikaigiyyim yim kirie rani. Yim ini opair ywowim. Mi ti piuum wi Adi Komii siya hidninsiin idwowi, yim tiriiginim yim kirieki kirie ima. ⁴⁴Mi ti piuum ti krima haingikaigiyyim, yim nuan piu ima. Mi ti piuum wi Adi Komii siya hidninsiin idwowi, yim ti piuum yim wi ninomor kou hiran piu win nwowi. Nuan piuum mi ninomor kouan piu ikim. ⁴⁵Taka yaia ya ini Adi Komii siir Yokwo Komii aiir nwoa. Adi Komii siya biigi biiyin Adam siirar nonkwokwokikin. Siyairgin inkam kiingi kiinin yipiki ti nu iir napriririn. Mi Jisis Kraiss siirin inkamin ninomor kouwanin sima siirin hiniin boinkikin mi Adamn yipiki mhoyiya nwowin, krimiirin wi kwoinbud win siya hauwi mi krimiirin wi siyar tirkii, omwai hiriir waiyayokiyokigiyamim. ⁴⁶Mi yim ti piuum ninomor kouanim, krima wi bii simiir niki hai rani. Niingaka. Krima biiyin wi nuan pua wi sair haii mi mhoyiya wi ti piuum ninomor kouanim wi simiir haii. ⁴⁷Adi Komii siya biigibiiyin Adam siirin nuni nonkwokwokin mi Jisis Kraissin, ti mhoyian Adamn, yio ninomor kouanki nitkin. ⁴⁸Mi nim iikamim yipiki ti nu iir nwowiyim, nim krima ini Adam siir kwoinbudin ini siir hiriinan ywowim yio Adi Komii siya krimiirin nuni nonkwokwokikin. Mi nim krima iikamim yipiki wi ninomor kou hir nwowi, nim krima wi ti inkam nwirin, Jisis Kraiss nikiuwiyin, nim wi siir kwoinbudin omwai waiyayokiyokiiyyin nim wi siir haii. ⁴⁹Mi dimusi rani, nim krima ini ti nu iir nwowim Mi hiriinanki niuwi mi nim ini Adamni hiniin ywowim, ti inkamin ti nuin siir tiranin. Mi ti hiriinan siyuin, mhoyiya ninomor kou hir nwowi, nim wi Jisis Kraiss siir hiriinan nwowi, tiki inkam nwirin ninomor kouanin.

⁵⁰Mi ti kariir nomiiyauim kima wakae! Kara kimiir boinki, ti piuum, ti nuin siirim, Adi Komii siya kigirkakiyin, hiriirin wi wara nam tani, hir nwowamin. Mi digworaekwowim yipiki naokaowiyim mi whiiiyim, yim wi ti omin ti digworaekwowim naokao karamae nwowiyim, yim wi simiir hiriir wara nam tani. Niingaka.

⁵¹Wakae! Panoa kara kimiirin pi yaayim aowa nwowim simiir boinkii. Mi krima Kraiss Jisis siir iikamim krimiir nhirim krima wi nao rani mi krima wi hiriinan tir tani. Mi krimiirin Adi Komii siya boinkii mi krimiir piuum yim wi sima nwowi. ⁵²Mi Adi Komii siya siir paekwosim imiir boinkii, kid maskiyam mi wi kimiminki rani, wi sinani haniin sinankii mi ti krimiir piuum wa ninkpitki, iya ti kid ieya maskii. Mi ti iikamim naokaowim, simiirin wi Adi Komii siya hidninsiin idwowi, yim wi swoki ao rani. Niingaka. ⁵³Adi Komii siya krimiir piuum wi simiir tirkii yaeya piu nwowamin. Mi saeya ninomor kouan piu nwowi mi saeya wi wai piu nwo rani. Niingaka. Sima wi hiriinanar nwoyokiyokiikaeyami. ⁵⁴Kaimwoka, ta pua nu tirana ta krima haingikaigiya, mhoyiya saeya piu win nimbiyami mi wi hiriinan wadieyar nwoyokiyokiikaeyami. Mi ta pua yipiki naonama, mhoyiya saeya swoki insiin idwowi mi

wi pi ninkpitkii mi wi sai nwowi mi ya wi kwoinbud winin siir haii mi saeya wi hiriyar nwoyokiyokiikaeyami. Mi ta ii aiirin mi ta yaiya Adi Komii siir Yokwo Komii aiir nwowa ya wi digi digar nwowi. Ta yaiya ya hiniina boinka, nao aiirin Adi Komii siya bidi ikwowaisii iguskiya. Mi iikamim mi aokaonanaeyim yim iriipi hiriinan siya bidi mi onkwobumbuninkinkiyim. ⁵⁵Mi hiriinanaki niuwi, hiriinan tiri mi iikamim wi swoki aokao rani. Niingaka! Mi nao saeya wi krimiiram swoki it rani, krimiirni owakiiyam. Niingaka.

⁵⁶Mi tariinanin krima wi hiriyar kimpipisu kripkaii mi wa mi aowi. Dimusi rani, ti dimin bibiyeyim krima tirim simiirsika. Adi Komii siir siyiu komii krimiir bidiyar yiisiimauuwun dimin bibiyeyim krima tirim simiirin. Mi ta iya ti dimin bibiyeyim ti krima tirim mi siyiu komii ikin, yim wa digiguski. ⁵⁷Krimiirin Adi Komii siya whinkinsiiskin. Mi krimiir Biiyan Inkam Komiiyin Jisis Krai siya bidi yonkwobumbuninkinkiyim dimin biyie sair kirie imiirin, yipiki krimiir tiriya, krima naokaonanaeyiam. Mi hiriinankiniuwi mi krima wi Adi Komii siir ti boin wadie mi siir inig iir ti hainan.

⁵⁸Ti kariir nomiiyau kiingi kiinim, yipiki kara naingwokwonanaeyim, kima sibgu dokworinu mi ta yaimwokiyaimwowa kara kimiir boina sairam daingwo tibmiikii. Kimiir kwoinim kipi swoki kisina mimin ti diminim kara boinkiyim simiirsiiyin. Kima kirie hiriyar dwokripkai mi ta Biiyan Inkam Komii Jisis Krai siir mii aiirarar mirii iski. Mi wim kima ta sairin ina ninokninkinim, ta kimiir miya yipiki kima miriia Biiyan Inkam Komiiyin Jisis Krai siiram ya wi hindara priiyokaeyam tani, ya wi naeyar budi. Mi hiriinankiniuwi, tariigina saeya hiriinan tiri mi ni kira tari siir mii kibi aiir miriigin. Iriig.

Umirim Adi Komii siir iikamim simiir whinkinsiis haiginiuwi ikim

16 ¹Mi tariinanin kara kimiirin pi min boinkii, wari umirim kima haingiriyu haiginuim simiir nhirim iikamim yipiki Adi Komii siirim om komii Jerusalem hir nwowim simiir ti whinkinsiis haiginu. Mi iikamim Adi Komii siirim nu haime Galesia hiranim kara kimiirin ti hiriinan siyiu kaimwo iirar mi boinkii wim kima iriipi hiriinanar timi tir. ²Mi ti umirim ti kima haiiyim, ti miyim kima miriyyim simiirsi, kima irira nwiniran sande sandeyim ti umirim simiirin haime haimeiyim ha timi kiyau haigirarao. Mi iya kima umir budie haiiyim kima komiiyar timi haigi. Mi iya kima sapisap mi haiiyim, kima sapisapar timi haigi. Mi iya kara niti kima wi mii komii mirii rani, umir iripa haingiriyu haiginamin simiir hauuam. ³Mi kima kimiir kam nhirim simiir dimbin ti umirim kima haingiriyu haiginim simiir hainamim om komii Jerusalema hiriir. Mi iya kara niti mi kara simiir miyim wi yokwoni winkii sima hainamim ti umir imaka iki biiyan kamim naingwo tibmii

kiiniyim simiir nini hauugigam. Mi ti kamim ti kima nimbiniim, simiirin wi kara nikropkii om komii Jerusalema hiriir. ⁴Mi kara ha naingwowi, ini mi owin karar mi ami om komii Jerusalema hiriirin mi sima wi kanakar ninkin ami. Iriig.

Pol siya om Korin hiran iikamim simiir kignakiyam tirkin

⁵Kara kimiirin wi mhoiia nini kignaki. Kara wi nu Masedonia hiriir niki ami, biiyin wi hiran nu iir niki boinmimauwi Adi Komii siir yai aiirin. ⁶Kara kimakan wi ii priei nwonaki rani. Mi tari wi hiriayar tiri, kara wi bwan hoimgak rigar nwowi iya opudgi hugi mi iya naoki mi kininaei. Mi mhoiia kara om whira namam naingwowi, kariirin wi kima whinam mi kariirin wi siyu hir tini whinapyikiugig. ⁷Kara kimiirin hindara nini kignakiyim mi ha swoki kwamsauim pi boriisopi. Biian Inkam Komii siya kariiram naingwowi, kara kimaka bwanim wi iuwarigar nwowi.

⁸Mi kara wi om Efesas tirar nwowi mi wi ta yaewou nae komiia Pentikos dapiya wi saeyar nimbiam. ⁹Tariinanin kara tirar nwowamar tiri. Dimusi rani, ti omin siir tiran iikamim yim sima Adi Komii siir yai aiir wakaeyam tiri. Mi kariir siyuin yo bidi kiwakiyin ta mii komiia Biian Inkam Komiiyin siira, saiir miriiyam siir yai aiir boinmimauam. Mi ta mii aiirin sau omom whiekakar nikidugar windi wi dig nwo rani.

¹⁰Mi Timoti siya kimiiram niti, kima wi siir boinwin akamie. Mi siya kimaka waraur nini onii, kima siirin wi sibgu kigrirao siya mirii Biian Inkam Komii siir mii aiir, kariir hiriinan. ¹¹Mi kima siirin wi hinina kipi boin, siya inigak rani kima wi hiriinan kipi tir. Kima wi siir whinkinsiis haiginiu mi siya kimiiram in wi kwoin maigimaigakakar niki itim. Mi kara siiram in wi tirar niki okwokinim tiki nomiiyau nhirim naingwo tibmiiyim simaka.

¹²Mi tariinanin kara pi krimiir nomiiyauin Apolos nikiuwiyin pi siir boini. Kara siirin minam nimpiwirwir sriigripkaii, siya iki nomiiyau nhirim simaka ninkin itim kimiir kignakiyam. Mi siya tariinanar namim pi boriisopi, mhoiia siyuin rirmiia nwokii mi siya wi haini niti kimiir kignakiyamin. Iriig

Mhoigi mhoiyan yai nhir ikim

¹³Mi kima sibgu mintirao mi naingwo tibmiiya Jisis Kraiis siiram naingwo tibmiiya sibgu donkworinu. Mi kima siirin digiumii kipi haimriiyugig. Mi kima kipi nidid, kima sibgu dokworinu kripkai. ¹⁴Mi kimiir miipai miipaiyim kima miriiyim kima iikam nhirmiyamin warar daingwokwonanaei.

¹⁵Kima Stefanas simiirniiyin ina ninokninkinim nu Grik hirin simaniiyar naingwo tibmiiyim biigi biiyin. Sima mii komii aiirar

miriigim Adi Komii siir iikam imiir whinkinsiisamin. Kima ti kariir nomiiyauim, kara kimiirin pi igao yai boinkii. ¹⁶Kima simiir yai imiir wakaeyokna mi kamim yipiki simaka miriigim, simiir yai imiirin iriipi hiriinan wara. Mi simar mi tiriya saiir hiriinanar timi tir, simiir siyiu iirar timi ap.

¹⁷Mi taka iya kara maigimaiga asi nwowi. Dimusi rani, Stefanas, Fotyunetas mi Akaikas simiirsika sima kariiram nitkim. Mi wim kima kariiram bi nitkim mi yim sima nikrani, bidiyar yitim kariiram. ¹⁸Kima ta saiir dinokninkinki, sima maigimaiga kariiram tiri kara nwowim ta sima mi tiriya maigimaiga kima nwowam saiir hiriinan. Mi hiriinankiniuwi mi kima ti hiriinan kamim simiir diisimauu mi simiir dokboinmamaig haiginiu.

¹⁹Ti iikamim yipiki Adi Komii siir inig iir haingiriyiu hainaniyim iripa iki om nhirim nu komii Esia hiranim simiir hiranim, sima kimiir nokboinmamaigikim, Akwila mi siir wig aeya Prisila mi iikamim yipiki iripa Adi Komii siir inig iir haingiriyiu hainaniyim simiir omaka hir, sima kimiiram naingwokwonanaei. Mi sima kimiirin pranae pranae bi nokboinmamaigikim. ²⁰Mi ti nomiiyauim ti om Efesas tiranim yipiki Adi Komii siiram naingwo tibmii kiinim, sima kimiir nokboinmamaigikim. Irni nwirni nokboinmamaigiyim nomiiyaunan hindara dapirimdinam.

²¹Mi tariinanin ta yokwowa Pol kariir iingi iingar nonkwo winkika mi kara kimiiram ha nokboinmamaigikin.

²²Wi Adi Komii sasar hauu iskii, hik komiigi komiia ti iikam yipiki siiram naingwokwo karamae nwowim simiirin. Kara kimiiram in minam naingwowi krimiir Biyan Inkam Komiiyin siya pi nitsauuim.

²³Mi kara iinokiinokin wi Biyan Inkam Komiiyin Jisis wi siiram sriinanaei siya whinkinsiis haiginiuim siir naingwobumbu komii aeya. Mi ta siir naingwobumbuwa wi kimaka hiriyar nwoki okripkaiyim.

²⁴Kara kimiiram in nhami nhami naingwokwo rani, yipiki kima kanaka haingiriyiu okiyim Jisis Kraiis siir iikamim. Iriig.